

# ՄԱՐԶԻԿ

marzig

السنة السادسة والعشرون العدد الحادية عشر ١١ (305) VOL. XXVI N° 11 ٢٠٠٧، ՀՈՒՆ

مارزيك

مجلة رياضية شهرية  
تصدرها جمعية الهومنمن بيروت

marzig  
SPORTS MAGAZINE

ԱԿՈՑԵԱՆՆԵՐԸ



# ՀԱՌՈՐԴ ԱԳՐՈՒԹԻՒՆ

Հ.Ս.Ը.Ս.ի Պատգամաւորական 9րդ Ընդհանուր ժողովն ընտրուած Հ.Ս.Ը.Ս.ի Կեդրոնական Վարչութիւնը իր Ա. լիազումարը կայացուց Փարիզի մէջ, 30 Նոյեմբերէն 2 Դեկտեմբեր 2007ին:

Լիազումարը առաջին հերթին իր ներկայացուցիչներուն միջոցով ընդհանուր գիծերու մէջ լսեց շրջաններու մասին գեկուցում մը եւ անդրադարձաւ անոնց դիմագրաւած դժուարութիւններուն, ապա՝ կանգ առաւ Պատգամաւորական Ընդհանուր ժողովի առաջարկ-բանաձեւերուն վրայ, որոնք կրկին մանրամասնորէն արծարծուեցան եւ յետ ուսումնասիրութեան՝ Կեդրոնական Վարչութիւնը մշակեց իր քառամեայ գործունեութեան (2007-2011) ուղեգիծ-գործելածեւը:

## Ա. ԿԱԶՄԱԿԵՐՊՉԱԿԱՆ

Միութեան ուժեղացումն ու հօրուացումը գոտեանդելու նպատակով առաջադրուեցաւ հետամուտ ըլլալ, բոլոր բնագաւառներէ ներս, մարդումի պատրաստութեան, նոյնպէս՝ շրջաններու մէջ գործի հրաւիրել վաստակաւոր քոյր-եղբայրներ, իրենց միջոցով ձեռնարկելու համար կազմաւորման յատուկ սեմինարներու: Զարկ տալ ցամաքամասային ձեռնարկներու ըլլան անոնք համագումարներ, դասընթացքներ, բանակումներ եւ մարզախաներ:

Գաղթօճախներէն զանազան պատճառներով հայրենիք վերադարձող հայորդիներու ու յատկապէս Հ.Ս.Ը.Ս.ականներու թիվ ածով եւ Հայաստանի մասնածիւներու անդամներու ներկայ թուային պատկերով եւ ընդհանրապէս անոնց դեկավարման դրութեամբ, շեշտակի անհրաժեշտութիւնը կը դրուի պատրաստել յանձնառու պատասխանատուներ եւ դեկավարներ, ինչպէս նաեւ վերաշխուժացնել ու վերադասաւորել կառուցային դրութիւնը: Թափ տալ քոյր մասնածիւներու գործակցութեան:

Հետամուտ ըլլալ վերջին շրջանին Հ.Ս.Ը.Ս.ի ընտանիքին վերամիացած եւ կամ նորաստեղծ մեկուսի շրջաններու ներքին կազմակերպական աշխատանքներուն, ինչպէս նաեւ ի պահանջեալ հարկին նոր գաղութներու մէջ Հ.Ս.Ը.Ս.ի դրօշին ներքեւ կառ պահել հայու դիմագիծն ու դրոշմը:

Հիմնուելով աշխարհի տարածքին տեղի ունեցող կենցաղային պայմաններու փոփոխութիւններուն



2007-2011 քառամեակի Կեդրոնական Վարչութիւնը իր առաջին լիազումարին, Փարիզ:

Զախտն աջ՝ նդրայրներ Յարութ Յարութիւնեան (Հայաստան), Վահրամ Դանիկեան (Արեւելեան Ս. Խահանգներ), Կարպիս Գապասազալեան, Գրիգորիս Պողարեան, Միհրան Շիմշիրեան (Լիքանան), Յրազ Սիսեռեան (Ֆրանսա), Գօգո Պալեան (Արեւմտեան Ս. Խահանգներ), Արմեն Կետիկեան (Գանատա) եւ Գարլոս Սէֆէրեան (Հարաւային Ամերիկա):

Վրայ եւ ապագայի յստակ տեսլականով, պահանջըւեցաւ ծշդորշել այժմու պահանջներուն յարմարող ութամեայ ռազմավարական ծրագիր մը:

## Բ. ՍԿԱՌՈՒՏԱԿԱՆ

Միութեան ողնասիւնը համարուող սկառուտութիւնը եւ անոր ճամբով յաջորդական սերունդներու դաստիարակութիւնը ապահովելու ու մերօրեայ պահանջներուն եւ յատկապէս յառաջխաղացքներ ձեռք բերելու նպատակով առաջադրուեցաւ Հայաստանի մէջ կայացնել համա-Հ.Ս.Ը.Ս.ական խնբապետական համագումար մը՝ բոլոր շրջաններէն ներս ծրագրելու եւ իրագործելու համար Վկայեալ եւ Արարատեան կարգերը, նոյնպէս խմբաւորումներու խնբապետական կազմներուն յատուկ վերաբերակաւորման դասընթացք մը, ինչպէս նաեւ նախորդ փորձառութիւններէն մեկնած ծրագրելու համա-Հ.Ս.Ը.Ս.ական ընդհանուր բանակումը:

Գործունեութեանց յաջող ընթացքին համար յարմար նկատուեցաւ ձեռնարկները իրագործել ցամաքամասային եւ կամ ընդհանուր տարողութեամբ՝ ըստ անոնց բնոյթին:


Հ.Ս.Ը.Ս.ի Կեդրոնական Վարչութիւն




# ՄԱՐԶԻԿ

## ՍԻԼԹՈՒԻՆ

**MARZIG** SPORTS MAGAZIN EDITED MONTHLY BY HOMENETMEN  
مارازيك مجلّة رياضيّة شهريّة تصدرها جمعيّة الهمنطمن الرياضي



14



### ԲԱԺԻՆԵՐ

■ Խմբագրական	2
■ Անդրադարձ	3
■ Ուգեկոչումի Խօսք	5
■ Ակնարկ	6
■ Տարեդարձ	7
■ Մասնաճիւղէ Մասնաճիւղ	9



28

**ՎՐԻՊԱԿ**  
**«Մարզիկ»ի անցեալ թիւի  
 խաչքարին թիւը  
 պէտք էր ըլլար 164:**

Մարզական ամսաթերթ  
 Հրատարակութիւն՝ Հ.Ս.Ը.Մ.Ի  
 Կեդրուսական Վարշափեթան

ԻԶ. ՏԱՐԻ, 2007, ԹԻՒ 11 (305)

ԽՄԲԱԳԻՐ  
 Վիգեն Աւագեան  
 ԽՄԲԱԳՐՈՒԹԵԱՆ ԱՆԴԱՄ  
 Սեղա Պէշլեան  
 Սեւան Խազարեան  
 «ՄԱՐԶԻԿ»Ի ՅԱՆՉԱԽՈՒՄՔ  
 Արօ Մոսիկեան  
 Գօգօ Մկրտիչեան  
 Վահան Դամամճեան  
 Տիրան Շահինեան  
 Սալբի ճէճէեան  
 Վահէ Թանաշեան

ԳՐՈՒԹԻՒՆՆԵՐ ՈՒՆԻՆ  
 Սամուել Մկրտիչեան, Յակոբ  
 Քէշիշեան, Վահէ Թանաշեան,  
 Սալբի Լատոյեան եւ  
 Հրջաններու թղթակիցներ:

Էֆարում - Զարեհ Զէօրէքծեան  
 Գրաշարութիւն - Վերա Բարսեղեան  
 Colour Separation - Photogravure Paklayan  
 Կողքի Զեւաւորում Տպագրութիւն



ԽՄԲԱԳՐՈՒԹԵԱՆ ՀԱՍՑԵ  
 Պուրճ Դամուտ, ճիմիշեանի Թաղ  
 «Մեւան» Շէնք, գ. Յարլ  
 Քէռ: 01/248043, Fax: 01/260117  
 E-mail: marzig@homenetmen.org  
 P.O. Box: 80486 B. Hammoud, Lebanon

### ՑՐԻՈՒՄ

Լիբանանի մէջ թէրթին  
 հատավածարի սական է 3000 լ.ո.:  
 Տարեկան բաժանորդագրութեան սակ  
 ծշղուած է 35000 լ.ո.:

Լիբանանէն դուրս թէրթին  
 բաժանորդագրութիւնը  
 կը կատարեն Հ.Ս.Ը.Մ.Ի Սեկուլիս  
 եւ Հրջանային Վարչութիւններու:  
 Թերթը ուղղակի Լիբանանէն  
 կը ստացուի անձնական  
 բաժանորդագրութեամբ  
 (Տարեկան սակ՝ Միջին Արեւելեան  
 եւ Եւրոպական երկիրներ \$50,  
 Ամերիկա եւ Աստրալիա՝ \$55):



ԽՄԲԱԳՐԱԿԱՆ

# «ՀԵՏԴ ՊԻՏԻ ԶՏԱՆԻՍ...»

**Ժ**ողովրդային հի՞ն ու խորիմաստ խօսք մը կ'ըսէ. «Յետդ պիտի չտանիս...»:

Այս աշխարհի փառքն ու հարստութիւնները կը պատկանին այս աշխարհին: Սարդ որքան ալ բարձր դիրքերու հասնի, գործի յաջողութիւններ ունենայ եւ հարստութիւններ դիզէ, ի վերջոյ պիտի մեռնի եւ անդենական մեկնի՝ մերկ ու մինակ, ծիշդ այնպէս ինչպէս որ ծնած էր:

Կ'արժէ իսկապէս, որ ամէն մարդ, օրւան վազգութէն, հեւքոտ աշխատանքէն, կիրքերէն ու վէճերէն պահ մը վեր բարձրանալով՝ երբեմն-երբեմն մտածէ մարդկային հասարակաց ծակատագրին մասին, որ կը միանայ մահուան մէջ: Լաւագոյն դասն ու դաստիարակութիւնը կ'ընծայէ այս վարժութիւնը: Եսապաշտ ախորժակները, ընչաքաղց ցանկութիւնները, անսանծ կիրքերը եւ նիւթին ստրկական գերութիւնը մոռնալու գլխաւոր միջոցն է ասիկա:

Եթէ չքաւորը ինքն իրեն հաշիւ տայ, թէ ի՞նչ պիտի տանի հետը այս աշխարհէն, իր չքաւորութեան դառնութիւնը նուազ պիտի ծնշէ հոգիին վրայ: Ան աւելի թերեւ ու միսիթարուած պիտի զգայ ինքզինք եւ պիտի գիտնայ երջանիկ ըլլալ իր քիչով:

Եթէ մեծահարուստը խորիի թէ նոյն փոսին կը դիմեն բոլոր կեանքերն ալ, եւ թէ կարենի չէ որեւէ բան տանիլ հոն, բացի անկենդան մարմինէն, այդ պարագային շատ աւելի գթասիրտ եւ կարեկից պիտի դառնայ իր նմաններուն հանդէպ: Ինքզինք հաւասար պիտի ըգգայ անոնց:

Շատ հածոյքներ, նիւթական բազմաթիւ վայելքներ, դրամին կապուած փորձութիւններ, որոնց համար սիրտ ու կեանք կը մաշեցնենք ընդհանրապէս, այս մօտեցումով ամիմաստ ու անարժէք պիտի թուին մեզի կամ պիտի ստանան անցաւոր հածոյքի իրենց բուն ար-

ժերը, իրական տեղը: Երջանկութիւնը այն ատեն պիտի փնտռենք ուրիշ տեղ, հոգեկան ու մտային ապրումներու մէջ:

Ժողովուրդը երկու բառով ըսած է արդէն ամէն բան.- «Յետդ պիտի չտանիս...»:

Ինաստասէրները, գիտուններն ու բանաստեղծները, որոնք կրնան առօրեայէն վեր բարձրանալ եւ աշխարհին բարձունքներէ նայիլ, շատ աւելին ըսած են, շատ աւելի գեղեցիկ ձեւով.

«Սահը մերն է մենք մահինը,

Մարդու գործն է միշտ անմահ»:

Ամէն բան կ'անցնի. առոյգ հասակները կը կրին, ծուած մէջքերը կը փշրին ու հող կը դառնան ի վերջոյ, բայց մարդու մը գործը կը մնայ անմահ, եթէ սովորական, հասարակ, աննշան գործ մը չէ: Եթէ բարիք կամ գեղեցկութիւն կը ճառագայթէ շրջապատին վրայ: Ու եթէ իր մէջ ծշմարտութեան եւ կեանքի ուժը կը խտացնէ:

«Անմահ գործեր»ու շարքին կը դասուին այն բոլոր արարքները, որոնք եսասիրութեան նեղ սահմաններէն դուրս կու գան, անձնուիրութեան ծեւ կը ստանան եւ ուրիշներուն կը գոհարերուին:

Իսկ զոհաբերուելու գանազան ծեւեր կան. մէկը կրնայ իր դրամը ի սպաս դնել հանրօգուտ ծեռնարկներու եւ անմահանալ: Շինել դպրոց, եկեղեցի, ակումբ, հովանաւորել մարզական խումբեր, պահել սաներ, հրատարակել գիրքեր եւ այլն: Մէկ խօսքով անմահ նպատակներու գործածել այն նիւթը, որ հետը պիտի չտանի: Ուրիշ մը կրնայ իր ուժերը, ժամանակը եւ կեանքը նուիրել ժողովուրդին, անոր պահպանման, զարգացման ու բարգաւածման: Այս ալ անմահութեան կտակած կ'ըլլայ այն բոլորը, զորս հետը պիտի չտանի:

Կարեւորը այն է, որ մեզմէ իւրաքանչիւրը տարին գէթ մէկ անգամ յիշէ, թէ... հետը բան պիտի չտանի:

# ՀԱՅԱԿԵՐՏՈՒՄԻ ՆՈՐ ԿՈՌՈՎԱՆ

Սամուել Սկրտիչեան  
ԿԼԵՆՏԵՅԼ

**Աչքը լոյս Հ.Մ.Լ.Մ.ականներուն:**

2007 թուականը Հ.Մ.Լ.Մ.ի Արեւմբու-  
եան Մ. Նահանգներու շրջանին համար  
եղաւ իրագործումի, յաղթանակի եւ ու-  
րախութեան տարի: Քանի,

2007ին, Շրջանային Վարչութեան  
մէկ խիզախ որոշումով, Հ.Մ.Լ.Մ.ի մեծ  
ընտանիքը ունեցաւ իր բանակավայրը՝  
իր նոր տունը, հոգեկան նոր բոյնը: Մինչ  
Հ.Մ.Լ.Մ.ի սկառատութիւնը հասաւ իր  
տարիներու երազին՝ իր բանակավայ-  
րին: 25 էյքը [շուրջ 100 հազար քառ. մետր- «Մ.»] տարա-  
ծութեամբ անտառ մը՝ մեծ ու մեծդի բանակավայր մը, իր բո-  
լոր կառոյցներով, իր բոլոր իրերով ու յարմարութիւններով  
եկաւ ծառայելու Հ.Մ.Լ.Մ.ի հայակերտումի, մարդակերտու-  
մի աշխատանքներուն: Յոյսի, լոյսի նոր կռուան մը, հաւատ-  
քի նոր փարոս մը եկաւ նոր աւելն, նոր յոյս ներշնչելու  
Հ.Մ.Լ.Մ.ի ազգանուէր գործունէութեան՝ հայր հայ պահելու  
աննահանջ պայքարին:

**Աչքը լոյս Հ.Մ.Լ.Մ.ականներուն: Գայլիկ, զա՛րկ թմբու-  
կին, այսօր տօն է Հ.Մ.Լ.Մ.ի ուրախութեան:**

Հ.Մ.Լ.Մ.ի պատմութեան մէջ աննախընթաց եւ իմաստա-  
լի սիրանք մը (785 հազար տոլարի արժողութեամբ) եկաւ ճո-



խացնելու, հարստացնելու Հ.Մ.Լ.Մ.ի փառաւոր պատմու-  
թիւնը: Գնահատելի էր Հ.Մ.Լ.Մ.ի Շրջանային Վարչութեան  
եւ իրագործումը, եւ նպատակը: Յոյսով ենք, որ այս շինիչ ու  
նուիրական նպատակին կը յաջորդեն նոյնքան կարեւոր եւ  
անհրաժեշտ նոր քայլեր, նոր կառոյցներ, որոնք պիտի գան  
աւելի զօրացնելու եւ խրախուսելու Հ.Մ.Լ.Մ.ի նպատակը՝  
հայակերտումի սրբազն հաւատամքը: Որովհետեւ մենք՝  
հայ ժողովուրդի գաւակները կ'ապրինք օտար ճամբաներու  
վրայ: Մեր զաւակները կը մեծնան օտար բարքերու մէջ: Մեր  
շուրջը ամէն բան օտար է ու խորի: Ուստի, կեանքի այս պայ-  
մաններուն մէջ մենք հայ սերունդ կերտելու հրամայականին  
դիմաց կը գտնուինք: Քանի այսօր հին օրերը անցած են, հա-



Պատասխանատու խումբ մը Եղբայրներ բանակավայր այցելութեան ըսթացքին:

յակերտումի հին միջոցները հինգած են: Իսկ մենք՝ ձուլումի աւելի սուր, աւելի վտանգաւոր պայմաններու առջեւ կը գտնուինք: Բայց մենք վճռած ենք հայօրէն ապրիլ: Մենք վճռած ենք մեր զաւակները հայօրէն մեծցնել: Մենք վճռած ենք, կեանքի պայմանները ինչ ալ ըլլան, հայ մնալ, որովհետեւ մենք չենք մոռցած մեր մէկ ու կէս միլիոն նահատակներուն արեան կանչը: Մենք չենք մոռցած մեր պապենական հողն ու ջուրը, որոնք կը կոտտան թուրքին ճիրաններուն մէջ: Մենք հողի, արեան պահանջ ունինք: Ուստի,

Ինչպէս տուն մը, երդիք մը որ անհրաժեշտ են՝ ընտանիքի մը պատսպարման, մէծնալուն ել բազմանալուն համար, նոյնպէս ակումբ մը, դաշտ մը, բանակավայր մը թէ մարզական խաղավայր մը անհրաժեշտ են՝ սկաուտական մեր աշխատանքուն զարգացման, թեթեւ աթիշի մարզումին, մեր պասպէթի նորանոր խոյանքներուն, ֆուլֆոլի փորձերուն համար, որոնք ազնիւ, օգտակար միջոցներ են՝ պարման-պարմանուհին հեռու պահելու այլազան աւերիչ բարքերէ: Նաեւ,

Այս ազնիւ, գեղեցիկ կերտիչ միջոցներէն մէկն է Հ.Մ.Լ.Մ.Ի բանակավայրը, որուն չնորհիւ այսօր անվարան կրնանք ըսել, որ մեր սկաուտական կազմերը, մեր մարզական խաղերը, մեր հայակերտումի աշխատանքը, մէկ խօսքով մեր խաղն ու տաղը, մեր կամքը առաւել թափով, առաւել նուիրումով պիտի լծուին հայը հա՛յ պահելու, հայը հա՛յ մեծցնելու սրբազն աշխատանքին: Այսօր մեր նուիրումին, մեր հա-

ւատքին բերքը պիտի ըլլայ առաւել բեղուն, առաւել արդիւնաւէտ: Մեր երգն ու խաղը, մեր տաղը պիտի ըլլան առաւել անոյշ, առաւել գրաւիչ: Որովհետեւ, Հ.Մ.Լ.Մ.Ի նորակերտ բանակավայրը պիտի ըլլայ մտերմիկ հաւաքավայր մը, ջերմիկ օճախ մը, ուր մեր զաւակները, մեր սկաուտական կազմերը, մեր մարզիկները պիտի գան հոգեկան սնունդ առնելու, ազգային աւիւն ներշնչելու: Իսկ Հ.Մ.Լ.Մ.Ի բանակավայրին դուռը լայնօրէն բաց պիտի ըլլայ հայ ազգի բոլոր զաւակներուն առջեւ: Թող գան, մէծ թէ պզտիկ թող գան հոն՝ Հ.Մ.Լ.Մ.Ի բանակավայրը՝ հայօրէն ապրելու, հայօրէն խօսելու, հայօրէն զգալու: Հոն՝ Հ.Մ.Լ.Մ.Ի բանակավայրը պիտի ծառայէ հայը հայուն ծանօթացնելու, հայը հայուն եղբայր կոչելու, հայը հայով զօրանալու:

Կեանքի այս դաժան պայքարին դիմաց, հայը հայ պահելու այս կրուանին առջեւ, Հ.Մ.Լ.Մ. պատրաստ է ամէն նուիրումի, ամէն զոհողութեան, որովհետեւ Հ.Մ.Լ.Մ. ծնած է այս պայքարին համար՝ հայը հայ պահելու առաքելութան համար: Եւ մենք ուրախ պիտի ըլլանք, չնորհակալ պիտի ըլլանք, եթէ հայ մարդիկ ընդառաջեն մեր երթին, մեր խնդրանքին, հայակերտումի մեր առաքելութեան:

Իսկ դուն՝ թիրոյա, հնդիկներու սրբազն օրօրան, հայութեան նոր բարեկամ, օրհնեալ երգ ըլլաս, բարեկամութեան օրհներգ ըլլաս հայ ցեղին թափառական զաւակներուն համար:







- **Full of Charme Hotel, New Construction, French Architecture, International Standards, 100 m from the Republic Square and 15 minutes from the Yerevan International Airport.**
- **44 Rooms and 3 Suites with all comforts, all climate controled, minibar, shower or bathroom with private WC, hairdryer. Satellite TV, international direct dial phone. Internet & Email access.**
- **Individualized and personal service, 24 hour reception and room service**
- **Bar**



**Europe Hotel**

*Feel at home,  
away from home...*

**Yerevan**  
32-38, Hanrabetoutian Street,  
Yerevan 375010, Armenia  
Tel 374 10 54 60 60 • Fax 374 10 54 60 50  
sales@europehotel.am

StudioTEN 2005. All rights reserved.

[www.europehotel.am](http://www.europehotel.am)

# ԻՆՉՊԻՍ ՄՈՌՆԱԼ

**Տարեկան իր աւանդութեան համաձայն, Կիրակի, 11 նոյեմբեր 2007ին,**  
**Հ.Ս.Ը.Ս.ի Լիբանանի Շրջանային Վարչութիւնը Պէյրութի Ս. Նշան Մայր Եկեղեցւոյ մէջ**  
**կազմակերպեց Հ.Ս.Ը.Ս.ի իին ու նոր ննջեցեալներու յիշատակին հոգեհանգստեան պաշտօն,**  
**որմէ ետք՝ Ազգային Առաջնորդարանի դահլիճին մէջ ընդունեց**  
**Հ.Ս.Ը.Ս.ականներու եւ համակիրներու ցաւակցութիւնները:**  
**Այս առիթով, Շրջանային Վարչութեան ատենապետ եղը. Յակոբ Ֆէշիշեան Առաջնորդարանի**  
**դահլիճին մէջ արտասանեց ոգեկոչումի խօսք մը, զոր կը ներկայացնենք ստորև:**

**Մ**ենք կը հաւատանք մեզմէ անվերադարձ բաժնուղներուն յարգանքի տուրք տալու աւանդութեան եւ այսօրը «Օր» ճշգած ենք այդ աւանդին հաւատարիմ ննջեցեալ բոլոր Հ.Ս.Ը.Ս.ականներուն, ըլլան անոնք ըսկառուտ, մարզիկ թէ վարչական գործունէութիւն տարած անդամ-անդամուհիներ:

Անոնք՝ անցեալին մէջ գործած անմահները, համոզուած ուսարով Հ.Ս.Ը.Ը.ի վեհ գաղափարին, գործեցին ու անցան: Տուին անհաշիւ, տուին առանց սակարկելու, եւ նուիրուեցան մինչեւ իրենց վերջին շունչը՝ ի նպաստ միութեան վսեմ գաղափարին եւ անոր անզուգական նշանաբանին:

Իրերայաջորդ սերունդներու զաւակներ տասնեակ տարի-ներու իրենց վաստակու ունեցան Հ.Ս.Ը.Ը.ի վերելքին ու զարդացման մէջ, որ բազմանալով ու ծլարձակելով, աշխարհի տարածքին եղաւ 99 ճիշդերով հաստաբուն ծառ մը:

Ի՞նչպէս կարելի է մոռնալ յիշատակը այն մարզիկներուն, որոնք երկար տարիներ քրախնք թափեցին դաշտերու վրայ՝ բարձր պահելու համար լաւագոյն՝ ի նպաստ իրենց մասնաճիւղին կամ միութեան շահերուն:

Ի՞նչպէս կարելի է յիշել այն վարչականները, որոնք զրկուելով անձնական հաճոյքներէն եւ նոյնիսկ իրենց հարազատ ընտանիքէն, ամիսներ ու տարիներ տրամադրեցին ծրագրելու եւ իրագործելու համար լաւագոյն՝ ի նպաստ իրենց մասնաճիւղին կամ միութեան շահերուն:

Ի՞նչպէս մոռնալ կակուղ-թաթիկէն մինչեւ շեփորախում-քերու անդամներն ու սկաուտական բարձրագոյն դիրքերու վրայ գործած քոյր-եղբայրներն ու պատասխանատունները, որոնք օր մը հապարտէն տողանցեցին հայկական թագերու եւ մարզադաշտերու մէջ եւ կամ սկաուտական այբուբենը սորվեցուցին նորեկներուն՝ անշահախնդիր մօտեցումով:

Ի՞նչպէս կարելի է մոռնալ զանոնք:

Այս՝ ի՞նչպէս մոռնալ այն Հ.Ս.Ը.Ը.ականը, որ մահուան սանրին մէջ իսկ կը հետաքրքրուի Հ.Ս.Ը.Ը.ի մարզական լուրերով, կամ այն մարզիկը, որ հեծանիւլ մէկ կողմ դնելով, կ'երթայ նահատակուելու Հարաբաղեան լեռներուն վրայ:

Այս բոլորը պարտք կը դնեն մեր վրայ, որ ոգեկոչէնք յիշատակը բոլոր անոնց, որոնք նուիրուեցան Հ.Ս.Ը.Ը.ին ու գործեցին Հ.Ս.Ը.Ը.ին համար:

Այս՝ պարտաւոր ենք երէկուան գործողներուն յիշատակը ստուերի մէջ չձգել:

Խունկ ու մոմ մեզմէ յաւէտ բաժնուած Հ.Ս.Ը.Ը.ականներու անմահ յիշատակին:

## ԴԱԲԻԹ-ՆԱԴՊԱՆՏԵԱՆԻ ԱՅՑԵԼՈՒԹԻՒՆԸ Հ.Ս.Ը.Ը.Ի ՊՈՒԷՆՈՍ ԱՅՐԵՍԻ ԱԿՈՒՄԲ

**Թ**եմիսի միջազգային աստղ, արժանթինահայ թեմիսմէն Դաւիթ Նալպանտեան վերջերս այցելեց Հ.Ս.Ը.Ս.ի Պուէնոս Այրեսի ակումբ, ուր դիմաւորուեցաւ իր ազգակիցներուն եւ երեմնի բարեկամներուն կողմէ:

Ծանօթ է, որ Նալպանտեան թեմիսի իր առաջին քայլերը առած է Հ.Ս.Ը.Ս.ի շաբթերուն մէջ, ուր մինչեւ օրս ունի բազմաթիւ ծանօթներ:

Նալպանտեանը Հ.Ս.Ը.Ս.ի ակումբին մէջ դիմաւորեցին Արժանթինի մօտ Դայաստանի դեսպանը, հայ Եկեղեցւոյ ներկայացուցիչները, Հ.Ս.Ը.Ս.ի Պուէնոս Այրեսի ակումբին պատասխանատուները, գրեթ բոլոր տարիքի թեմիսի մրցաշարերու մասնակցողներ եւ մեծ թիւով Հ.Ս.Ը.Ս.ականներ:

Դայաստանի դեսպանը այս առիթով Նալպանտեանը իրաւիրեց Երեւանի մէջ տեղի ունենալիք թեմիսի միջազգային մրցաշարերին: Ան ըսաւ, որ մրցաշարերին Նալպանտեանի մասնակցութիւնը պիտի տայ յաւելալ փայլը:

Նալպանտեան իրաւիրը ընդունելով ըսաւ. «Ծառ հաւանական է, որ մօտիկ ապագային Երեւանի մէջ տեղի ունենալիք մրցաշարերին մասնակցութիւնս բերեն: Երբեք չեմ կրնար մոռնալ անցեալի այն օրերը, երբ թեմիսի մրցումներ կը կատարէի Հ.Ս.Ը.Ս.ական եղբայրներուս հետ»:



# ՀԱՌՋՎԱԿԱՆ ճԻԳԵՐՈՒ ՀՐԱՄԱՅԱԿԱՆԸ

**Վահե Թամաշեան**  
**ՍԵՐԻԼԵՏՏ**

**ի** ը հիմնադրութեան 90ամեակի նախօրեակին, 26 հազար անդամ հաշուող եւ 99 մասնաճիւղ ունեցող Հ.Մ.Լ.Մ.ը Արեւելեան Միացեալ Նահանգներու մէջ այսօր ունի 10 մասնաճիւղ եւ աւելի քան 1200 անդամ։ Հ.Մ.Լ.Մ. մեծագոյն միութիւնն է նաեւ Արեւելեան Միացեալ Նահանգներու մէջ, ուր իր հզօրութիւնը կը պարտի գաղափարաբանութեան հիմնական չորս յատկանիշներուն.- իր ազգային դիմագիծին, Հ.Մ.Լ.Մ.ի հոմանիշ դարձած բարոյականութեան, անդամներուն միջեւ տիրող զերմ եղեայրասիրութեան եւ միութենական կարգապահութեան։ Այս չորս յատկութիւնները կը հանդիսանան Հ.Մ.Լ.Մ.ի ուժին աղբիւրը եւ անոնց մէջ կը խոտանայ միութեան յառաջդիմութեան գաղտնիքը։ Հետեւաբար, այս գաղափարաբանութեան պահպանումով կարելի պիտի ըլլայ նուաճել նորանոր յաջողութիւններ եւ երաշխաւորել Հ.Մ.Լ.Մ.ի նպատակին իրականացումը։

Հ.Մ.Լ.Մ.ը պատահականօրէն կազմուած միութիւն մը չեղաւ, այլ՝ ծնաւ Մայիս 28ի բախտաբեր երկունքէն, նշանաբան ընտրելով «Բարձրացիր-բարձրացուր»։ Անոր գերագոյն նպատակը եղաւ պատրաստել ֆիզիքապէս եւ բարոյապէս առողջ երիտասարդութիւն, պարտաճանաչ քաղաքացիներ եւ մանաւանդ՝ հայեցի դաստիարակութեամբ թրծուած սերունդ։ Հ.Մ.Լ.Մ.ը սկաուտութեան, ֆութպոլի, վոլիպոլի, պասքեթպոլի կամ այլ մարզաձեւերու սոսկական համախըմբեում մը չէ, այլ՝ Հայ Մարմնակրթական Ընդհանուր Միութիւն է, որ կը ձգտի ազգային վսեմ նպատակներու, որոնց իրագործման համար միջոց որդեգրած է սկաուտական շարժումը եւ մարմնամարզը։

## ՍՏԱՑԱՆՔ

## ՄՈՎԱ

Հ.Մ.Լ.Մ. գԱՅԼԻԿԻՆ ՊԱՐԲԵՐԱՑԹԵՐՁ

Հրամանականութեան՝ Հ.Մ.Լ.Մ.ը Սուրբ Շրջ. Սպառտ. Խորչուրու, Հայլե, 2007:

Այսօր, միջազգային սկաուտութեան հիմնադրութենէն 100 եւ հայ սկաուտութեան ստեղծումէն 95 տարի ետք, աշխարհի չորս ծագերուն հայ սկաուտութիւնը կը շարունակէ ներգրաւել մանուկներ եւ պատանիներ։ Մարզանքը իր զանագան ձեւերով կը շարունակէ մնալ դաշտային ամէնէն հետաքրքրական խաղը։ Հետեւաբար, մեր հիմնադրիներուն պատկերացում՝ սկաուտութիւնը եւ մարզանքը ընտրել միջոցներ, իրագործելու համար միութեան վսեմ նպատակը, փաստօրէն տուած է իր պառուղը, որուն շնորհիւ այսօր կա'յ ու կը գործէ Հ.Մ.Լ.Մ.ը։

Արեւելեան Միացեալ Նահանգներու շրջանին մէջ Հ.Մ.Լ.Մ.ը հիմնական դժուարութիւն չունի նոր սերունդները ներգրաւելու իր շարքերէն ներս։ Շատեր սկաուտութեան, ֆութպոլի, վոլիպոլի, պասքեթպոլի կամ այլ մարզաձեւերու սիրոյն, երեխն ալ Հ.Մ.Լ.Մ.ական ծնողներու քաջալերանքով կը միանան Հ.Մ.Լ.Մ.ի հիմնական դժուարութիւնը, սակայն, կը կայանայ վերոյիշեալ գաղափարաբանութեան դաստիարակութեան եւ ընկալումին մէջ։ Խսկ այս դժուարութեան աղբիւրը մատղաշ սերունդները չեն միայն, ո'չ ալ՝ միութեան ղեկավարութիւնը ստանձնած վարչականները, խմբապետները կամ մարզիներն են։ Այս դժուարութեանց տուն տուող զանազան պատճաններ կան, որոնք կարելի է ամփոփել հետեւեալ կէտերու մէջ.-

1. Շատեր լաւ չեն ըմբռնած միութեան գաղափարաբանութեան վերոյիշեալ էութիւնը եւ իրենց քով միջոցը դարձած է նպատակ, հետեւաբար մարզական մրցումէ մը յաղթական դուրս գալը կը գերազանցէ գաղափարական որեւէ սկզբունք։

2. Դաստիարակչական ծրագիրներու պակասը մեծապէս կը նպաստէ առաջին դժուարութեան։

3. Մարդուժի պակասը ղեկավար մարմիններուն կը ստիպէ զբաղիլ ընթացիկ աշխատանքներով, որոնց հետեւանքով լուսանցքի մէջ կը մնայ դաստիարակչական հիմնական աշխատանքը։

4. Լեզուի հարցը, իր կարգին, կը դժուարացնէ դաստիարակչական աշխատանքը։ Այսպէս, Հ.Մ.Լ.Մ.ի գաղափարաբանութեան քաջածանօթները դժուարութիւն ունին անգիրէնով դասախոսելու, հետեւաբար հայերէնով դասախոսութիւնները երեխն կը դառնան ձանձրոյթի պահեր։

Մեզ շրջապատող միջավայրէն եկած վերոնշեալ դժուարութիւնները յաղթահարելը առանձին միութեան մը ուժերէն վեր է։ Անոնք կրնան յաղթահարութիւն միայն միութիւն, ընտանիք, դպրոց եւ եկեղեցի քառանկիւնին հաւաքական ճիգերով։

# Հ.Մ.Լ.Մ.Ի ԱՐԵՒԵԼԵԱՆ ՄԻԱՅՑԵԱԾ ՆԱՀԱԳՆԵՐՈՒ ՇՐՋԱՆԻ ՀԻՄԱԴՐՈՒԹԵԱՆ ՅՈԱՄԵԱԿԸ



1977. Շրջանի Ա. Ներկայացուցչական ժողովին մասնակիցներու յիշատակի նկար:

Էեւ կը կարծուի թէ երեսուն տարիներ առաջ հիմնուած է Արեւելեան Միացեալ Նահանգներու Հ.Մ.Լ.Մ.Ի ըրջանը, սակայն նախապէս քանի մը լուրջ աշխատանքներ կատարուած են զրջանին մէջ:

Այսպէս, 1920ական թուականներու աւարտին, Հ.Մ.Լ.Մ.Ի մասնաճիւղեր կազմուած են Արեւելեան Միացեալ Նահանգներու զանազան քաղաքներուն մէջ. Պոսթըն, Փրովիտընս, Հարթֆըրտ եւ Ֆիլատելիֆիա: Մասնաճիւղերու այս ցանցով կը ստեղծուի Կեդրոնական Վարչութիւն մը, որ կը սկսի կազմակերպել միջ-մասնաճիւղային խաղեր:

Յատկապէս Մեծն Պոսթընի մէջ, Հ.Մ.Լ.Մ.ական շարժումը կը սկսի 1932ի ամրան, երբ Հ.Մ.Լ.Մ.Ի հիմնադիրներէն Տիգրան Քչնյ. Խոյեան, ընդառաջելով գաղութի երիտասարդութեան խնդրանքին, եւ խորհրդակցելէ ետք «Հայրէնիք»ի օրուան խմբագիր՝ Ռ. Դարբինեանի հետ, կը հիմնէ զրջանի Հ.Մ.Լ.Մ.ր: Գործունէութիւնը կ'ըլլայ բեղուն: Կը կատարուի երդման արարողութիւն, մասնակցութեամբ վաթսուն քոյրելքայրներու, ներկայութեամբ նոյնինքն հիմնադիր Տիգրան Քչնյ. Խոյեանի եւ մասնաճիւղի հիմնադիրներէն Մայքըլ Յարութիւնեանի, Մաքսուտ Անանիկեանի, Յակոբ Թէվէքէլեանի: Կը տրուի յատուկ պատգամ: Տեղի կ'ունենայ մասնաճիւղի անդրանիկ վարչութեան ընտրութիւն: Նորընաիր վարչութեան ջանքերով կը կազմուին պատքեթպոլի, Փութպոլի եւ

մը տարի կը կատարուի հետեւողական աշխատանք: Հոս ալ երկար չի տեւեր գործունէութիւնը եւ անգամ մը եւս աշխատանքները կը դադրին:

Միայն եօթանասունականներուն է, որ Հ.Մ.Լ.Մ.ը կը սկսի վերաշխուժանալ եւ վերակազմուիլ: 1970ի գարնան, Ուաշինգտոնի մէջ, խումքը մը երիտասարդներու հաւաքի մը ընթացքին, զրջանի Հ.Յ.Դաշնակցութեան նախաձեռնութեամբ եւ հովանաւորութեամբ, կը հիմնուի տեղոյն Հ.Մ.Լ.Մ.Ի մասնաճիւղը: Ութսունականներուն, աւելի մեծ թափով կը շարունակուին աշխատանքները: Մարզական գործունէութեան կողքին կը կազմակերպուի սկաուտական շարժում: 1984ին, Ուաշինգտոնի մասնաճիւղը կը հիւրընկալէ ձմեռնային ողիմական մարզական խաղեր, որոնք կը պահպան մեծ յաջողութեամբ: Յարդ գործունէութիւնը կը շարունակուի: Միջ-մասնաճիւղային խաղերու կողքին, զրջանը 1997ին կը կազմակերպէ համա-Հ.Մ.Լ.Մ.ական խաղեր:

Եօթանասունականներուն զգալի խանդապառութիւն մը կ'ապրի նաեւ Պոսթընը: Արդարեւ, «Արմէնզ» Փութպոլի խումքը հազիւ կազմուած եւ հոչակի տիրացած, կը միանայ Հ.Մ.Լ.Մ.ին, որ իր ժողովը կը կատարէ 17 Հոկտեմբեր 1973ին, Սուլը Ստեփանոս եկեղեցւոյ ներքնասրացին մէջ: Այս կարեւոր եւ պատմական ժողովին ներկայ կը գտնուի Հ.Մ.Լ.Մ.ի Մերձաւոր Արեւելքի Շրջանային Վարչութեան

ատենապետ եղբ. Յովհաննէս Շահինեան: Քանի մը ամիս ետք տեղի կ'ունենայ երդման արարողութիւն, ներկայութեամբ թեմի Առաջնորդ՝ Գարեգին Եպս. Սարգիսեանի (հետագային Մեծի Տանն Կիլիկիոյ եւ ապա՝ Ամենայն Հայոց Կաթողիկոս):

1975էն ետք, Հ.Մ.Լ.Մ.ի Պոսթընի մասնաճիւղը կ'օժտուի սկառուտական շարժումով: Մինչեւ օրս, շարժումը կը տանի բեղուն գործունէութիւն: Անդամներուն թիւը երկու հարիւրի շուրջ է եւ մարզական զանազան խումբեր իրենց մասնակցութիւնը կը բերեն շրջանային զանազան մրցաշարքերու:

Հ.Մ.Լ.Մ.ի Նիւ Եորքի մասնաճիւղը վերակազմուեցաւ 1977ին...աւելի քան յիսուն տարի առաջ հիմնուելէ ետք: Արդարեւ, 1921ին կազմուած էր մասնաճիւղը, որ յաջողած էր կազմակերպել ույանական միջ-մասնաճիւղային խաղեր, հրաւիրելով Պոսթընն ու Նիւ Ճըրգին:

Սկառուտութենէ աւելի մարզական խաղերով Նիւ Եորքի շրջանը արձանագրած է յաջողութիւններ: Պասքեթպոլի, ֆութպոլի եւ յատկապէս աղջկանց վոլիպոլի մրցումներուն մասնաճիւղը արձանագրած է յաջողութիւններ: Գրեթէ միեւնոյն տարիներուն, հազիւ քանի մը ամիս ետք, կը հիմնուի Հ.Մ.Լ.Մ.ի Նիւ Ճըրգին մասնաճիւղը: Սկառուտական շարժումէն թէ մարզական կեանքէն ներս, Հ.Մ.Լ.Մ.ի Նիւ Ճըրգին մասնաճիւղը կը նկատուի Արեւելեան շրջանի գլխաւոր սիւներէն մէկը:

Յիսունականներուն տարիներուն հիմնուելէ ետք, 1976ին

կը վերակազմուի Հ.Մ.Լ.Մ.ի Տիթրոյթի մասնաճիւղը: Հազիւ քսանհինգ անդամներէ կազմուած, այսօր մասնաճիւղը կը հաշուէ հարիւր քսանհինգ անդամ: Մասնաճիւղը ունի պասքեթպոլի եւ վոլիպոլի երկսեռ խումբեր: Բոլոր կազմերն ալ կը մասնակցին զանազան մրցաշարքերու: Վերջերս, Տիթրոյթի մէջ տեղի ունեցան շրջանի միջ-մասնաճիւղային խաղերը:

1976ի Յուլիս 24ին կը հիմնուի Հ.Մ.Լ.Մ.ի Շիքակոյի մասնաճիւղը: Իր հիմնադրութեան օրերուն երեսուն անդամներով եւ քառասուն սկառուտներով, այսօր մասնաճիւղը կը շարունակէ իր գործունէութիւնը, միութեան դրօշը բարձր ծանելով...«Հովերու քաղաք»ին մէջ:

Հ.Մ.Լ.Մ.ի Ֆլորիտայի մասնաճիւղը կը հիմնուի 1981ին, խումբ մը ազգասէր եւ հայրենասէր հայորդիներու կողմէ: Մեծ ապագայ կը խոստանայ այս շրջանի Հ.Մ.Լ.Մ.ը, արուած ըլլալով որ մեծ թիւով հայեր բնակութիւն հաստատած են զանազան քաղաքներու մէջ:

Շրջանի նորագոյն մասնաճիւղերէն մէկը կը նկատուի Ալպլնիի Հ.Մ.Լ.Մ.ի մասնաճիւղը, որ հիմնուած է 1986ին, Սուրբ Խաչ եկեղեցւոյ սրահին մէջ: Մասնաճիւղը կարողացած է իր շուրջ համախմբել գաղութիւն երիտասարդութիւնը:

*Made from one single slice  
of natural Australian opal*



**Classique**  
**OPAL DIAL WATCH**

*Sarkis Der Bedrossian*

*Sams Watchmaker Jeweller Pty. Ltd.*  
123 Clarence Street  
Sydney 2000  
Australia

Phone: +61 2 9290 2199  
fax: +61 2 9262 1630  
Website: [www.classiquewatches.com](http://www.classiquewatches.com)  
Email: [Info@classiquewatches.com](mailto:Info@classiquewatches.com)



# Հ.Մ.Լ.Մ.ԱԿԱՆ ՓԻՆԿ-ՓՈՆԿԸ ԿԸ ՆՈՒԱՃՔ ԼԻԲԱՆԱՆԵԱՆ ԵՒ ԱՐԱԲԱԿԱՆ ՆՈՐ ԳԱԳԱԹՆԵՐ


**ՄԻՆՉ ՔՈՅՑ ՔՆԱՐԻԿ ՄՈՒՐԱՏԵԱՆ ԶՈՐՐՈՐԴ ԱՆԳԱՄ ՀԱԼԱԼՈՎ ԿԸ ՏԻՐԱՆԱՅ  
ՃԱՏՐԱԿԻ ԱՐԱԲԱԿԱՆ ԱՇԽԱՐՀԻ ԱՂՋԿԱՆՑ ԱԽՈՅԵԱՆՈՒԹԵԱՆ ՏԻՏՈՍԻՆ**

**2007** տարին Հ.Մ.Լ.Մ.-ի Լիբանանի ընտանիքին համար եղաւ գժուարութիւններով եւ զանոնք յաղթահարելու ճիգերով լիցուն տարի մը: Երկրի քաղաքական վերիվայրումներուն հետ կաղն ի կաղ շարունակուող մարզական կեանքը լուրջ գժուարութիւններու առջեւ դրաւ Լիբանանի մարզական բոլոր միութիւններն ու ակումբները, որոնք տարին բոլորեցին գրեթէ անբնական պայմաններու մէջ:

Այնուամենայնիւ, կամքն ու նուիրեալ աշխատանքը տեղադրութիւն իրենց արդիւնքները եւ Հ.Մ.Լ.Մ. 2008 տարին ձեռնունայն չդիմաւորեց: Հեծելարշաւի եւ պասքեթթոլի յաջողութիւններու կողքին, Հ.Մ.Լ.Մ.-ական ճատրակի աստղը՝ ճատրակի մեծ վարպետ քոյր Քնարիկ Մուրատեան չորրորդ անգամ ըլլալով տիրացաւ արաբական աշխարհի աղջկանց ախոյեանութեան տիտղոսին, մինչ փինկ-փոնկի աղջկանց խումբը նոր գագաթներ նուաճեց լիբանանեան եւ արաբական մակարդակներու վրայ, միութեան անունը ոսկի տառերով արձանագրելով 2007ի մարզական յաջողութիւններու յուշամատեանին մէջ:

Արդարեւ, փինկ-փոնկի Լիբանանի ախոյեանութեան





**Աւ Մունջօղլեան**

մրցումներուն, Հ.Մ.Լ.Մ.ական Մարիանա Սահակեան-Սոմունճեան, յաջորդաբար հինգերորդ տարին ըլլալով, տիրացաւ Լիբանանի առաջնութեան տիտղոսին: Երկրորդ հանդիսացաւ քոյր Լարա Քէչէպաշեան, իսկ երրորդ դիրքին տիրացաւ Լիբանանի 1998ի, 2001ի և 2002ի ախոյեան քոյր Լիզա Պարիկեան:

Լիբանանի ախոյեանութեան աղջկանց զոյգի մրցումներուն, մրցակցութիւնը եղաւ զուտ Հ.Մ.Լ.Մ.ական: Իրենց բոլոր մրցակիցները պարտութեան մատնելէ ետք, աւարտական փուլ հասան Մարիանա Սահակեան-Սոմունճեան-Լարա Քէչէպաշեան զոյգը մէկ կողմէ եւ Լիզա Պարիկեան-Նուէլ Քէշիշեան զոյգը միւս կողմէ: Ցաղթանակը եղաւ ի նպաստ առաջին զոյգին:

Մարիանա իր սխրագործութիւնները կրկնեց նաեւ խառն զոյգի մրցումներուն, երբ Մոհամմէտ Զապաշի հետ տիրացաւ լիբանանեան իր երրորդ տիտղոսին:

Տղոց պարագային, գլխաւոր աստղը եղաւ Լիբանանի 15 և 18 տարեկանէն վար գասակարգի ախոյեան Աւ Մունջօղլեանը, որ այս ընթացքով շուտով կրնայ բազմի իր հօրը երեխնի գահին՝ Լիբանանի տղոց ախոյեանի պատուաբեր աթոռին



վրայ: 1974-1991 տարիներու Լիբանանի ախոյեան Բաֆֆի Մունջօղլեանի զաւակը՝ 15ամեայ Աւոն, հակառակ իր փոքր տարիքին, արդէն իսկ կը գտնուի Լիբանանի լաւագոյն 10 վարպետներու շարքին եւ պարտութեան մատնած է անոնցմէ շատերը: Իր վերջին յաջողութիւնը եղաւ Լիբանանի զոյգի մրցումներու երրորդ դիրքին տիրացումը՝ ֆատի Ասսիսի հետ: Աւ 3 տարիէ ի վեր անպարտելի է Լիբանանի 15 և 18 տարեկանէն վար տղոց բոլոր մրցումներուն: 18 տարեկանէն վար տղոց զոյգի մրցումներուն, ան Լիբանանի ախոյեանութեան տիտղոսին տիրացաւ Հ.Մ.Լ.Մ.ական Սահակ Փայլեանի հետ:

Լիբանանի խմբային ախոյեանութեան մրցումներուն, Հ.Մ.Լ.Մ.ի տղաքը կատարեցին կարեւոր իրագործում մը, երբ յաղթանակներու շարքով մը հասան մինչեւ աւարտական, ուր տեղի տուին Ռիատի խումբին դիմաց եւ հանդիսացան Լիբանանի երկրորդ: Տարիներէ ի վեր տղոց խումբը նման յաջողութեան չէր հասած:

Հ.Մ.Լ.Մ.ական փինկ-փոնկի յաջողութիւնները չմնացին միայն լիբանանեան ծիրի մէջ: Հոկտեմբերին, աղջկանց խումբը մասնակցեցաւ Յորդանանի մէջ տեղի ունեցած արաբական ակումբներու ախոյեանութեան եւ իրագործեց աննախընթաց յաջողութիւն մը՝ չորրորդ անգամ նվելով արաբական աշխարհի ախոյեանութեան տիտղոսը: 2002ի, 2004ի և 2006ի տիտղոսներէն ետք, 2007ի բաժակը յատուկ նշանակութիւն ունեցաւ Հ.Մ.Լ.Մ.ի եւ Լիբանանի համար:

Լիբանանի աղջկանց իրագործումին իրենց մասնակցութիւնը բերին Հ.Մ.Լ.Մ.ի... Յորդանանի քոյրերն ու եղբայրները, որոնք մեծամիւ կերպով ներկայ գտնուեցան Պէյրութի աղջկանց խաղերուն եւ ոգի ի բոին քաջալերեցին իրենց սիրելի խումբը՝ յաղթանակ յաղթանակ առաջնորդելով զայն:

Յորդանանէն վերագարձին, ախոյեան խումբը արժանացաւ մեծ ընդունելութիւններու: Ախոյեան քոյրերը Պուրճ Հա-



ՅԱԶՈՂՐԴԱԲԱՐ ԵՐՐՈՐԴ ՏԱՐԻՆ ԸԼԼԱՎՈՎ՝

## Հ.Մ.Լ.Մ.Ի ՏՂՈՅԻ ԽՈՒՄԲԸ ԿԸ ՀԱՆԴԻՍԱՆԱՅ ՀԵԾԵԼԱՐԾԱԻ ԼԻԲԱՆԱՆԻ ԽՄԲԱՅԻՆ ԱԽՈՅԵԱՆ

- ԱՆՇԱՏԱԿԱՆ ԱԽՈՅԵԱՆՈՒԹԵԱՆ ՏԻՏՈՂՈՎ  
ԿԸ ՊԱՅՈՒԹԻ ԵՐԿՐՈՐԴ ՏԱՐԻՆ ԸԼԼԱՎՈՎ

**3** աջորդաբար երրորդ տարին ըլլալով, Հ.Մ.Լ.Մ.Ի Պէյրութի տղոյ խումբը հանդիսացաւ հեծելարշաւի Լիբանանի խմբային ախոյեան: Ախոյեանութիւնը վճռուեցաւ մէկ հանգրուանէ բաղկացած շրջավազք մը ետք: Հ.Մ.Լ.Մ.Ի հեծելանուրդները՝ գերօգ Ալբումեան, Դայկ Սելիբեան, Սալահ Ռապահ, Յովիկ Քիւրտեան, Սիմոն Փանոսեան, Ռազմիկ Քիւրծեան եւ Կարօ Մարգարեան 125 քլմ. երկարութեանը շրջավազքը աւարտեցին 4.5 վայրկեանի առաւելութեանը մը իրենց անմիջական մրցակից Հ.Մ.Մ. Պէյրութէն:

Անհատական ախոյեանութեան տիտղոսը խլեց Սալահ Ռապահ:

Ախոյեանութեան աւարտին, տիտղոսակիրներուն բաժակները յանձնեց Լիբանանի հեծելարշաւի ֆետերասիոնի նախագահ եղբ. Վաչէ Ծատուրեան:



### ԳԵՂՐԳ ԱԼԹՈՒԽԵԱՆ ԿԸ ՏԻՐԱՆԱՅ ԺԱՄԱՑՈՅՑԻ ԴԵՄ ՄՐՑՈՒՄԻ ԱԽՈՅԵԱՆՈՒԹԵԱՆ

Հ.Մ.Լ.Մ.Ի տղաքը իրենց մասին խօսիլ տուին նաեւ Լիբանանի հեծելարշաւի ժամացոյցի դէմ մրցումին, ուր խմբապետ Գէորգ Ալբումեան փայլուն յաղթանակ մը արձանագրեց՝ 30 քլմ. երկարութեանը շրջավազքը կտրելով 44 վայրկեան 33 երկվայրկեանէն. արոիւնք մը որ համազօր է ժամական 40 քլմ. արագութեան: Երկրորդ հանդիսացաւ Մազար Ռիատի խումբէն Զահէր Ջաժ, իսկ երրորդ՝ Հ.Մ.Մ. Պէյրութէն Սամիր Լիան:

մուտի քաղաքապետարան այցելելով՝ իրենց բաժակը նույիրեցին քաղաքապետ Անդրանիկ Մսրբեանին: Իրենց ի պատիւ Լիբանանի Շրջանային Վարչութիւնը կազմակերպեց ընդունելութիւն մը, որ տեղի ունեցաւ 29 Նոյեմբերին, «Աղբալեան-Հ.Մ.Լ.Մ.» մարզամշակութային համալիրին մէջ (այս մասին տեսնել էջ 14): Նմանօրինակ ընդունելութիւն մըն ալ կազմակերպեց Լիբանանի մարմնամարզի նախարարութիւնը եւ յատուկ յուշանուէրներով ու պարգևներով պատուեց ախոյեանները:

### ՊԱՍՔԵԹՊՈԼ

Պասքեթպոլը, անցնող ամիսներուն, առիւծի բաժինը ունեցաւ Հ.Մ.Լ.Մ.Ի մարզական կեանքին մէջ: Հ.Մ.Լ.Մ.Ի Անթիւխասի, Պէյրութի եւ Պուրճ Համուտի մասնաճիւղերէն չորս խումբեր իրենց մասնակցութիւնը բերին Լիբանանի Ա. եւ Բ. դասակարգի մրցումներուն:

Հ.Մ.Լ.Մ.Ի Անթիւխասի աղջկանց խումբը, իբրեւ ներկայա-

ցուցչական խումբ, բաւական լաւ արդիւնքներ արձանագրեց Ա. դասակարգին մէջ: Մարզիչ Ժագ Նալպանտեանի հետ խումբը երթի իր 7 մրցումներէն ծըլ աւարտեց յաղթանակով, իսկ երկուքը պարագութեամբ: Խումբը մասնակցեցաւ նաեւ Հուսէմչտտին Հարիրիի արաբական մրցաշարքին եւ մինչեւ աւարտական հասնելով՝ տեղի տուաւ Անդրանիկի խումբին դէմ:

Խումբին մաս կը կազմեն Ալիք Թապագեան, Սանան Մարգարեան, Նաթալի Սվաճեան, Ցոլինէ Գազանճեան, Սանտրա Նաժրմ, Գարօլին Մուլֆարրէժ, Քրիստին Մուլֆարրէժ, Նայրի Ռուկերիչեան, Քրիստին Նաճարեան, Լէյլա Ֆարէս, Էլիան Շալչուլ, Էլիանա Ապու Ժառտաէ, Նարէ Տէմիրճեան, Նարու Ցարութիւնեան եւ Միրա Ռլզք:

Նոյն դասակարգին մէջ, Հ.Մ.Լ.Մ.Ի Պէյրութի աղջկանց խումբը ունեցաւ ակար եւլոյներ: Մարզիչ Էլի Նաժըմի հետ խումբը արձանագրեց միայն մէկ յաղթանակ եւ կրեց վեց պարտութիւն: Խումբին մաս կազմեցին Միրէյ Սվաճեան,




# ՔՆԱՐԻԿ ՄՈՒՐԱՏԵԱՆ ՃԱՏՐԱԿԻ ԱՐԱԲԱԿԱՆ ԱՇԽԱՐՀԻ ԱԽՈՅՑԵԱՆ

ճատրակի մէջ, 2007ին տիրապետող անուն մնաց Հ.Ս.Ը.Ս.ական քոյր Քնարիկ Սուլատեանը, որ Լիբանանի աղջկանց ախոյեանութեան տիտղոսը պահելէ ետք, Օգոստոսին իր մասնակցութիւնը բերաւ Լիբանանի... տղոց ախոյեանութեան եւ հանդիսացաւ երկրորդ: Դեկտեմբերին, Եմէնի մէջ ան մասնակցեցաւ արաբական աշխարհի ախոյեանութեան մրցումներուն եւ 3 յաղթանակով ու 3 հաւասարութեամբ, առաւելագոյն 9 կէտէն 7.5 կէտ ապահովելով՝ չորրորդ անգամ ըլլալով տիրացաւ արաբական աշխարհի աղջկանց ախոյեանութեան տիտղոսին եւ միջազգային մեծ վարպետի տիտղոսին առաջնորդող առաջին աստիճանին:

24ամեայ քոյր Քնարիկ Սուլատեան հանդիսացաւ իգական սերի առաջին ներկայացուցիչը, որ չորրորդ անգամ ըլլալով տիրացաւ տիտղոսին: Նախապէս, ան ախոյեանութեան տիրացած էր 1999ին (Եմէն), 2002ին (Եգիպտոս) եւ 2004ին (Արաբական Միացեալ Էմիրութիւններ):

Տարիքային ախոյեանութիւններու պարագային, երեք Հ.Ս.Ը.Ս.ականներ հանդիսացան Լիբանանի իրենց դասակարգերու ախոյեանները: Այսպէս, Յրակ Փափազեան եւ Սեղրի Կիրակոսեան տիրացան 16 տարեկանէն վար տղոց եւ աղջկանց առաջնութեան տիտղոսներուն, իսկ Նարեկ Նածարեան խլեց Լիբանանի 10 տարեկանէն վար պատանիներու ախոյեանութեան տիտղոսը:

Լիբանանի խմբային ախոյեանութեան մրցումներուն, Հ.Ս.Ը.Ս.ի Անթիլիասի խումբը հանդիսացաւ չորրորդ:



**Սուլա Աբրահամեան, Նաթալի Զիլինկիրեան, Լենա Անժունեան, Ցոլեր Խրիմեան, Սիւզի Արամեան, Տոննա Նասիֆ, Տիալ Պաշ, Քիլօ Հըրրօ եւ Ցողիկ Մկրտիչեան:**

**Բ. դասակարգին մէջ, Հ.Ս.Ը.Ս.ի Պուլը Համուտի աղջկանց խումբը ունեցաւ բաւական համոզիչ ելոյթներ եւ երթի եօթը հանգրուանները աւարտեց 3 յաղթանակով եւ 4 պարտութեամբ:**



**Տղոց մրցումներուն, Բ. դասակարգին մէջ, Հ.Ս.Ը.Ս.ի Պէյրութի տղոց խումբը իր առաջին եօթը մրցումներուն արձանագրեց 4 յաղթանակ եւ 3 պարտութիւն, 12 խումբերու շարքին գրաւելով երդ դիրքը:**

## ՖՈՒԹՈՒՈԼ

**Ֆութպոլը, դժբախտաբար, ապրեցաւ տեղբայլի շրջան մը: Երրորդ տարին ըլլալով Բ. դասակարգի մէջ իսաղալով՝ ներկայացուցչական խումբը երթի իր 6 մրցումներուն արձանագրեց 1 յաղթանակ, 1 հաւասարութիւն եւ 4 պարտութիւն: Խումբը նշանակեց 2 կոլ (մէկը փենալիթիով) եւ ստացաւ 12 կոլ: Այս ձախող արդիւնքներուն լոյսին տակ, մարզիկ Սեպուհ Պապիկեան ներկայացուց հրաժարականը եւ դարձին խումբին մարզումը ստանձնեց Վաչէ Սարգսեան, օգնական ունենալով Ցորիկ Մոսկովիեանը:**

**Լիբանանի բաժակի մրցումներուն, ներկայացուցչական խումբը կանուխէն հրաժեշտ տուաւ մրցակիցներուն, երբ 4-2 արդիւնքով պարտութիւն մը կրեց Նահատա Պալ էլիսսէն: Խումբը մեծ մասսամբ կը բաղկանայ նա-**

խորդ տարեշրջանի երիտասարդ եւ անփորձ մարզիկներէն: Նշենք, որ անցեալ տարեշրջանին (2006-2007), երթի ու դարձի իր 11 մրցումներուն խումբը արձանագրած էր 3 յաղթանակ, 5 պարտութիւն եւ 3 համաստութիւն, գրաւելով իր խմբակին չորրորդ դիրքը եւ ետին ճգելով Հ.Մ.Մ.ը, Ախսա Ալէյը եւ Ռասինկ Ճիւնին:

Օգոստոսին, խումբէն 9 մարզիկներ իրենց մասնակցութիւնը բերին համահայկական չորրորդ խաղերուն, Երեւան:

**Սառորեւ՝ ներկայացուցչական խումբին կազմը.-**

♦Բերդապահներ.- Ժագ Պչաքճեան, Յարութ Մարգիս եւ Արսէն Տէր Մաթուսեան:

♦Յետսապահներ.- Յովիկ Իզմիրլեան, Յարութ Կիւլիւզեան, Վարդան Գոշյեան, Վարդան Պոյածեան, Համբիկ Մկրտիչեան, Արօ Կիւլիւմեան (փոխանցուած՝ Հ.Մ.Լ.Մ. Պուրճ Համուտէն), Յակոր Գումեան (Հ.Մ.Լ.Մ. Պուրճ Համուտէն), Դաւիթ Պէրպէրեան, Ասատուր Տէր Մանուէլեան, Հրակ Գալաջեան եւ Յարութ Մովքնեան:

♦Միջնապահներ.- Ներսէս Պէրպէրեան, Մհեր Պէրպէրեան, Ճոնի Քութանի, Զոհրապ Կարապետեան, Կարօ Գաղէզեան եւ Սեպասթիան Կոստանդինեան:

♦Յառաջապահներ.- Մագո Ազնաւուրեան, Արա Մարտիրոսեան (Անդրանիկ Պէյրութէն), Թոնի Տումէթ, Նժդեհ Գաղէզեան (Արարատէն), Աւիկ Յարութիւնեան (Հ.Մ.Լ.Մ. Պուրճ Համուտէն) եւ Քրիստ Մարտիրոսեան:

### 2007-2008 ՏԱՐԵՇՐՋԱՆԻ

#### ԵՐԹԻ ՄՐՑՈՒՄՆԵՐ

Ախսա Ալէյ-Հ.Մ.Լ.Մ.	0-1
Մառատատէ Թրիփոլի- Հ.Մ.Լ.Մ.	3-0
Նահտա Պար Էլիսո- Հ.Մ.Լ.Մ.	6-1
Հ.Մ.Լ.Մ.- Իժթիմաչի	0-0
Մահապակ Թրիփոլի- Հ.Մ.Լ.Մ.	1-0
Հ.Մ.Լ.Մ.- Սալամ	0-2

### 2006-2007 ՏԱՐԵՇՐՋԱՆԻ

#### ԵՐԹԻ ԵՒ ԴԱՐՁԻ ՄՐՑՈՒՄՆԵՐ

Հ.Մ.Լ.Մ.- Ռասինկ Ճիւնի	2-0
Հ.Մ.Լ.Մ.- Ախսա Ալէյ	1-0
Հ.Մ.Մ.- Հ.Մ.Լ.Մ.	3-0
Հ.Մ.Լ.Մ.- Ռասինկ Պէյրութ	1-1
Հ.Մ.Լ.Մ.- Մահապակ Թրիփոլի	2-3
Մառատատէ Թրիփոլի- Հ.Մ.Լ.Մ.	2-2
Հ.Մ.Լ.Մ.- Մառատատէ Թրիփոլի	1-2
Ախսա Ալէյ- Հ.Մ.Լ.Մ.	2-3
Ռասինկ Պէյրութ- Հ.Մ.Լ.Մ.	2-0
Մահապակ Թրիփոլի- Հ.Մ.Լ.Մ.	4-1
Հ.Մ.Լ.Մ.- Հ.Մ.Մ.	1-1

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՅԱՀԱՅԱ ՀԱՅԱՀԱՅԱ ՀԱՅԱՀԱՅԱ

**ARMENIA**  
for private and group trips  
[www.saberatours.fr](http://www.saberatours.fr)

# Saberatours Sevan Voyages



WITH THE COLLABORATION OF  
THE NEW AIRLINE COMPANY



Aravia  
Արմավիա

Photos: © Yann Arthus-Bertrand / Jeune vue du Ciel. Licence 075 960031 StudioVIEK 2005 photo

■ Direct Flights

PARIS  
YEREVAN  
PARIS

■ Select  
your Journey

■ Guided Tours  
for 8 Days  
or 12 Days

11, rue des Pyramides  
75001 Paris  
tel 331 42 96 10 10  
fax 331 42 96 18 77  
saberatours@selectour.com

48, cours de la Liberté  
69003 Lyon  
tel 334 78 60 13 66  
fax 334 78 60 92 26  
sevan@selectour.com

67, La Canebière  
13001 Marseille  
tel 334 95 09 30 60  
fax 334 95 09 30 61  
marseille@wasteels.fr

32-38, rue Hanrabedoutian  
Yerevan  
tel 374 10 52 55 55  
fax 374 10 56 40 30  
sabera@arminco.com

# Հ.Մ.Լ.Մ.Ի ԼԻԲԱՆԱՆԻ ՇՐՋԱՆԱՅԻՆ ՎԱՐՉՈՒԹԻՒՆԸ ԿԸ ՊԱՏՈՒՔ ԱՐԱԲԱԿԱՆ ԱՇԽԱՐՀԻ ՓԻՆԿ-ՓՈՆԿԻ ԱՂՋԿԱՆՑ ԱԽՈՅԵԱՆ ԻՐ ԽՈՒՄԲԸ



## Թղթակից Պէտքութ

**Կ**ազմակերպութեամբ Հ.Մ.Լ.Մ.Ի Լիբանանի Շրջանային Վարչութեան, Հինգշաբթի, 29 Նոյեմբեր 2007ի երեկոյեան, «Աղբալեան-Հ.-Մ.Լ.Մ.» մարզամշակութային համալիրին մէջ տեղի ունեցաւ ընդունելութիւն մը՝ ի պատիւ արաբական աշխարհի փինկ-փոնկի աղջկանց ախոյեան խումբին:

Ընդունելութեան ներկաներու շարքին էին Լիբանանի երիտասարդութեան եւ մարմանակրթութեան նախարար Ահմէտ Ֆաթֆաթի ներկայացուցիչը՝ Մոհամմէտ Առայտաթ, նախկին նախարար եղբ. Սեպուհ Յովսանեան, Հ.-Մ.Լ.Մ.Ի Կեդրոնական Վարչութեան անդամ եղբ. Կարպիս Գապասադական, Կեդրոնական Վարչութեան նախկին ատենապետ եղբ. Գառնիկ Մկրտիչեան, Լիբանանի Ողիմպիական կոմիտէի նախագահ զօր. Սուհէյլ Խուրի, փինկ-փոնկի միջազգային ֆետրասիոնի անդամ եւ Լիբանանի ֆետերասիոնի

նախկին նախագահ Միշէլ Տը Շատարեւեան, ֆետերասիոնի այժմու նախագահ Սելիմ Նիքոլա Համբ, Պուրճ Համուտի քաղաքացիութեան Անդրանիկ Մսրլեան, Լիբանանի մարզական լրագրողներու սենտիֆայի նախագահ Խալիլ Նահաս, աթլեթիզմի ֆետերասիոնի նախագահ Ապտալլա Շեհապ եւ հրաւիրեալներ:

Բացման խօսքը արտասանեց եւ Հ.Մ.Լ.Մ.Ի Լիբանանի Շրջանային Վարչութեան անունով ներկաներուն բարի գալուստ մաղթեց Շրջանային Վարչութեան քարտուղար եղբ. Համբիկ Միսաքեան: Ան ըսաւ, թէ անցեալ տարի, նոյն վայրին մէջ, Հ.Մ.Լ.Մ.Ի փինկ-փոնկի աղջկանց ախոյեան մարզիկները նոյն ձեւով պարզեւատրուեցան եւ իբրև ախոյեանները բարձր պահեցին Հ.Մ.Լ.Մ.Ի եւ Լիբանանի անունները:

Արաբական ակումբներու ախոյեան հանդիսացած Հ.Մ.Լ.Մ.Ի մարզիկները՝ Մարիանա Սահակեան-Սոմունճեան, Լարա Քէչպաշեան, Լիզա Պարիկեան, Նուէլ Քէշիշեան եւ Դուին Մունջօղեան, Ամմանի մէջ, աւարտականին պարտութեան մատնելով թունուզեան Պանզարթ խումբը, եկան փաստելու, որ թէեւ Լիբանան փոքր երկիր մըն է, սակայն կարող է մեծ նուաճումներ կատարելու:

Եղբ. Միսաքեան յայտնեց նաեւ, որ Հ.Մ.Լ.Մ.Ի աղջիկներուն արձանագ-



բած յաջողութիւններուն մէջ իր մեծ գերը ունեցած է եւ կը շարունակէ ունենալ Լիբանանի փինկ-փոնկի տասնեակ տարիներու ախոյեան եւ Հ.Մ.Լ.Մ.ի Լիբանանի Շրջանային Վարչութեան փինկ-փոնկի ներկայացուցիչ՝ եղբ. Րաֆֆի Մունջօղեան, որ բոլոր տեսակի զոհողութիւններ յանձն առնելով կ'աշխատի ի շահ Հ.Մ.Լ.Մ.ի մեծ ընտանիքի վերելքին:

Ապա, յաջորդաբար խօսքեր արտասանեցին Սելիմ Հաժ եւ զօր. Սուհէյլ Խուրի: Անոնք իրենց խօսքերուն մէջ դրուատեցին Հ.Մ.Լ.Մ.՝ Լիբանանի մարզական կեանքին ունեցած ներդրումին համար՝ բարձր գնահատելով մանաւանդ փինկ-փոնկի աղջկանց խումբին ձեռք ձգած փայլուն արդիւնքները, տեղական թէ միջազգային մրցաշարքերու ընթացքին:

Այսուհետեւ, խօսք առաւ Լիբանանի Շրջանային Վարչութեան ատենապետ եղբ. Յակոր Քէշիշեան: Ան րաաւ, որ Հ.Մ.Լ.Մ.ի փինկ-փոնկի աղջկանց խումբին արձանագրած յաղթանակները եւ իրագործած նուաճումները հպարտութեան առիթ կու տան իւրաքանչիւր լիբանանցին՝ նկատի ունենալով, որ խումբին իրագործումները ոչ միայն հայութեան կամ Հ.Մ.Լ.Մ.ին կը պատկանին, այլեւ՝ ամբո՞ղջ Լիբանանին:

1924ին, Լիբանանի մէջ իր հիմնադրութենէն ի վեր, Հ.Մ.-Լ.Մ. միշտ ալ ախոյեաններ տուած է բոլոր տեսակի մարզաձեւերու մէջ եւ այդ մէկը կը շարունակէ կատարել նաեւ ներկայիս եւ պիտի շարունակէ կատարել յառաջիկային, ըսաւ եղբ. Քէշիշեան:

Ան աւելցուց ըսելով, որ Հ.Մ.Լ.Մ.ի փինկ-փոնկի աղջկանց խումբին կատարած իրագործումին զուգահեռ, քոյր Մարիանա Սահակեան-Սոմունձեան յաջողեցաւ լուսարձակները իր վրայ կեղրոնացնել, երբ տիրացաւ 2007ի փինկ-փոնկի արաբական բաժան աղջկանց անհատական տիտղոսին:

Հ.Մ.Լ.Մ.ի արձանագրած յաջորդութիւններուն մէջ վստահաբար իր կարեւոր եւ մեծ գերը ունի 1974ին 1991 Լիբանանի ախոյեան եղբ. Րաֆֆի Մունջօղեան, ըսաւ եղբ. Քէշիշեան:

Շնորհաւորելէ ետք Հ.Մ.Լ.Մ.ի փինկ-փոնկի բոլոր մարզակները՝ եղբ. Քէշիշեան նշեց, որ եղբ. Րաֆֆի Մունջօղեանի ճամբան այժմ եկած է շարունակելու տղան՝ Աւո Մունջօղեանը, որ հակառակ 15 տարեկան ըլլալուն, ներկայիս 18 տարեկանէն վար գասակարդի Լիբանանի ախոյեանն է:

Նախարար Ահմէտ Ֆաթֆաթի խօսքը փոխանցեց Մոհամէտ Առայտաթ, որ նախարարին անունով շնորհաւորելէ ետք Հ.Մ.Լ.Մ.ի ախոյեան մարզիկները, անոնց մաղթեց նորանոր յաջողութիւններ:

Խօսքերէն ետք, եղբ. Քէշիշեան Շրջանային Վարչութեան կողմէ յուշանուէր մը յանձնեց եղբ. Րաֆֆի Մունջօղեանի, փինկ-փոնկի մարզաձեւին իր ունեցած մեծ ներդրումին համար:

Ապա, ախոյեան մարզիկները յուշանուէրներ ստանալէ եւ յիշատակի լուսանկարներ նկարուելէ ետք՝ հատեցին իրենց յաղթանակի կարկանդակը:

**Sarkis  
or  
Paul**



# **SASSOUNIAN INC.**

## **Tools - Supplies - Machines**

**Complete Line Of Jewelry Supply**

716 S. Olive Street  
Los Angeles, CA 90014

Tel: (213) 627-1220  
(213) 627-1206  
Outside Ca: 1-800-544-4419  
Fax: (213) 623-6981

[www.sassouniantools.com](http://www.sassouniantools.com)      E-mail: [info@sassouniantools.com](mailto:info@sassouniantools.com)



# ԼԻԲԱՆԱՆԻ ԵՐԻՏԱՍԱՐԴՈՒԹԵԱՆ ԵՒ ՄԱՐՄՆԱԿՐԹՈՒԹԵԱՆ ՆԱԽԱՐԱՐՈՒԹԻՒՆԸ ԿԸ ՊԱՐԳԵՒԱՏՐԷ ՎԱՍՏԱԿՎՈՐ Հ.Մ.Ը.ԱԿԱՆ ԵՂԲ. ՊԱՏՐԻԿ ԿԻՒՊԵՆԿԵԱՆԸ



Թղթակից  
Պէտքութ

**Կ**ազմակերպութեամբ Լիբանանի երիտասարդութեան եւ մարմնակրթութեան նախարարութեան եւ գործակցութեամբ Լիբանանի սկաուտական ֆետերասիոնին ու Լիբանանի արենոյշներու միութեան, Ուրբաթ, 16 Նոյեմբերի յետմիջօրէի ժամը 5ին, «Մաքասէտ» խլամական բարեսիրական միութեան կեղրոնին մէջ տեղի ունեցաւ հանդիսութիւն մը, որուն ընթացքին պարզեւարուեցան լիբանանեան ըսկաուտութեան երկար տարիներ ծառայած 26 դէմքեր, որոնց կարգին՝ Հ.Մ.Ը.Ա.Կ կեղրոնական Վարչութեան նախկին անդամ, վաստակաւոր Հ.Մ.Ը.Ա.Կան եղբ. Պատրիկ Կիւլպէնկեան:

Հանդիսութեան ներկաներու շարքին էին Հ.Մ.Ը.Ա.Կ կեղրոնական Վարչութեան ներկայ եւ նախկին անդամներ՝ եղբայրներ Միհրան Շիմշիրեան եւ Գառնիկ Մկրտիչեան, Լիբանանի Շրջանային Վարչութեան անդամներ՝ եղբ. Միհէլ Տիփտորոգեան, քոյր Լուսին Գագէզեան, Շրջանային Սկաուտ. Խորհուրդի ատենապետ քոյր Արաքս Գուլաճեան, Շրջանային խմբապետութեան անդամներ, Լիբանանի սկաուտական ֆետերասիոնի անդամներ, միութիւններու սկաուտական եւ խմբապետական կազմերու ներկայացուցիչներ եւ հոծ բազմութիւն մը:

Հանդիսութեան սկիզբը, Լիբա-

## ՃՆՈՐՀԱՌՈՐԱԳԻՐ

Հայ Սարմսակրթական Ընդհանուր Միութեան  
Յարգարժան Կենտրոնական Վարչութիւն

Հայ Սշակութային «Արարատ» Կազմակերպութեան Կենտրոնական Վարչութիւնը եւ Կազմակերպութեան բոլոր անդամները ջերմօրէն շնորհատրում են Լիբանանի երիտասարդութեան եւ մարմնակրթութեան նախարարութեան կողմից եղբայր Պատրիկ Կիւլպէնկեանի պարգևատրումը, որը վաստակն է իր երկար տարիների անձնուրաց ու բոլորանուէր աշխատանքների՝ յանուն մարդկութեան եւ հայ ազգի:

Եղբայր Կիւլպէնկեանի բեղմնաւոր անցեալը եւ կտրած ճամբան՝ որպէս միջէ ուժ պիտի առաջնորդի հայ երիտասարդութեան այդ ուղին շարունակելու մինչեւ մեր ժողովրդի վեհ նպատակների իրագործումը:

Մաղթում ենք Ձեզ յաջողութիւն:

Յարգանօք՝  
Հ.Մ.Ա.Կ.  
Կենտրոնական Վարչութիւն

նանի արենոյշներու միութեան նախագահ Նուրա Ժարուտի յայտնեց, թէ բառերը կը պակսին երախտագիտական զգացումներ արտայայտելու համար պարզեւարուղներուն, որոնք իրենց անձը նուրեցին առողջ եւ գիտակլոց հաւաքականութեան մը ստեղծման ի խնդիր։ Ան հաստատեց, որ ապագայ սերունդները պիտի քայեն իրենց նախնիներու ուղիով։

Լիբանանի սկառատական ֆետերասիոնի փոխ նախագահ Քամալ Ֆախրը յայտնեց, թէ սկառատական շարժումը ունի յասուկ սկզբունքներ եւ նպատակներ, որոնք զինք կը դարձը նեն համաշխարհային շարժում, որուն մաս կը կազմեն աւելի քան 28 միլիոն սկառատաներ՝ աշխարհի չորս ծագերէն։ Ան ըստ, որ սկառատական շարժումը կը նպատակադրէ հայրենիքներին եւ ժողովուրդին ծառայել Ֆախրը շեշտեց, որ պարզեւարուղները տարիներ շարունակ ծառայեցին, սերունդներ դաստիարակեցին եւ իրենց աշխատանքին վարձատրութիւնն է, որ կը ստանան այսօր։

Լիբանանի երիտասարդութեան եւ մարմնակրթութեան նախարարութեան խօսքը փոխանցեց նախարարութեան երիտասարդութեան եւ հանրային կրթութեան բաժանմունքի նախագահ Ֆատիհ Հալալ։ Ան հաստատեց, որ ինչ ալ ըսուի գնահատելու համար պարզեւարեաները՝ անբաւարար է, որովհետեւ չէնք կրնար անոնց իրաւունքը, արժէքը ճշգել։ Հալալ յայտնեց, թէ անոնք իրենց ամբողջ կեանքին ընթացքին գոհողութիւն եւ ջանք չխնայեցին իրենց միութիւններու բարդաւաճման ի խնդիր, եւ աւելցուց, որ կը խոնարհի անոնց տարած աշխատանքին դիմաց։

Այսուհետեւ ներկայացուեցաւ իրաքանչիւր պարզեւարեալի կենսագրականը եւ գործունէութիւնը, ապա անոնց յանձնուեցան վկայագիրներ եւ յուշատախտակներ։

Պարզեւատրուղներուն անունով խօսք առաւ Եռևէֆ Տանտան, որ շնորհակալական խօսքեր ուղղեց կազմակերպիչ յանձնախումբին եւ նախարարութեան։

## Հ.Մ.Լ.Մ.Ի ԼԻԲԱՆԱՆԻ ՇՐՋԱՆԼ Կ'ՈԳԵԿՈԶԷ ՆԱՀԱՏԱԿՈՒԱԾ ԵՒ ՄԱՀԱՑԱԾ Հ.Մ.Լ.Մ.ԱԿԱՆՆԵՐՈՒ ՅԻՇԱՏԱԿՈՂ

Թղթակից  
ՊԵՅՐՈՒԹ

**Ա. Նշան Մայր եկեղեցւոյ մէջ մատուցւած Պատարագէն ետք տեղի ունեցաւ հոգեհանգստեան արարողութիւն, Հ.Մ.Լ.Մ.Ի նահատակ եւ մահացած անդամներու յիշատակին։**

Հոգեհանգստեան արարողութենէն առաջ խօսք առաւ Լիբանանի Հայոց Թեմի Առաջնորդ Գեղամ Եպս. Խաչերեան։ Ան ըստ, թէ Հ.Մ.Լ.Մ.ը գաղափարի եւ մաքառումի միութիւն մըն է, որ ունի իր հաւատամքը, տեսիլքը եւ առաքելութիւնը, որոնք հաստատուած են հիմնադիրներուն կողմէ եւ յանձնուած են մեր ժողովուրդի նուրիեալներուն։

«Հ.Մ.Լ.Մ.ականը իր առաքելութեան մէջ յաջողելու համար եղած է եւ ակնոր է ըլլայ յանձնառու անձ, ու որեւէ յանձնառութիւն իր կարգին կ'ենթադրէ զո-



հողութիւն», հաստատեց Առաջնորդը՝ աւելցնելով, որ այսօրուան Հ.Մ.Լ.Մ.ականները պէտք է շարունակեն իրենց նախնիներու ուղին։

Հ.Մ.Լ.Մ.Ի նահատակ եւ մահացած անդամներու հոգեհանգստեան արարո-

ղութենէն ետք, Առաջնորդարանի դահլիճին մէջ, Հ.Մ.Լ.Մ.Ի Լիբանանի Շրջանային Վարչութեան անունով խօսք առաւ ատենապետ եղբ. Յակոբ Քէշիւեան, որ հարց տուաւ, թէ ի՞նչպէս մոռնալ յիշատակը այն մարզիկներուն, վարչականներուն եւ սկառատներուն, որոնք տարիներ շարունակ քրտինք թափեցին՝ բարձր պահելու համար Հ.Մ.Լ.-Մ.Ի գրօչն ու միութեան շահերը։ Եղբայրը յայտնեց, որ Հ.Մ.Լ.Մ.ականները պարտաւոր են անցեալի սերունդներուն յիշատակը ստուերի մէջ ճգել (Խօսքին ամբողջութիւնը տեսնել էց 5)։

Ապա, Առաջնորդ Գեղամ Եպս. Խաչերեան անգամ մը եւս խօսք առնելով ըստ, թէ մահացածները գաղափարէն հեռացած չեն, այլ գաղափարին համար գործած անձեր են, որոնք գաղափարին համբով կը մնան մեզի հետ։

Առաջնորդ սրբազնը նշեց. «Սեր ժողովուրդին արտին մէջ ապրող մշակը Հ.Մ.Լ.Մ.ն է, որ յոյս կը ներշնչէ»։

Հաւաքի աւարտին, Հ.Մ.Լ.Մ.Ի Լիբանանի Շրջանային Վարչութիւնը ընդունեց ներկաներու ցաւակցութիւնները։



# ՎԿԱՅԵԱԼ ԿԱՐԳԻ ՏՈՒՉՈՒԹԵԱՆ ՀԱՆԴԻՍՈՒԹԻՒՆ

**Թղթակից  
ՊՈՒՐԾ ԴԱՍՈՒՏ**

**Վ**կայեալ կարգի դասընթացքի հետեւած եւ նուազագոյնը միաւորի խմբապետի պաշտօն ստանձնած եւ իրենց սկաուտական կեանքին ընթացքին միութեան վերելքին ու զարդացման նպաստած 36 քոյր-եղբայրներ, Ուրբաթ, 16 Նոյեմբերի երեկոյեան ժամը 8.30ին, Պուրծ Համուտի Ազգային Լեւոն եւ Սոֆիա Յակոբեան Գոլէճի սրահին մէջ ստացան Վկայեալ կարգի վկայագիր եւ նշանակ:


Հ.Մ.Ը.Մ.ի Լիբանանի Շրջանային Վարչութեան նախաձեռնութեամբ տեղի ունեցած այս հանդիսութեան բացումը կատարեց եղբ. Ռաֆֆի Կէօվողան-

եան: Ան անդրադարձաւ Վկայեալ կարգի տուչութեան իմաստին եւ հրաւիրեց Հ.Մ.Ը.Մ.ի Կեդրոնական Վարչութեան ատենապետ եղբ. Գրիգորիս Պողարեանը, Հ.Մ.Ը.Մ.ի Լիբանանի Շրջանային Վարչութեան ատենապետ եղբ. Յակոբ Քէշիշեանը, Հ.Մ.Ը.Մ.ի Լիբանանի Շրջանային Սկաուտ. Խորհուրդի ատենապետ քոյր Արաքս Գուլածեանը եւ Հ.Մ.Ը.Մ.ական եղբայր Ատոմ Թննծուկեանը, որպէսզի կատարեն տուչութիւնը: Վկայագիրներու եւ նշանակներու արժանացան հետեւեալ եղբայրներն ու քոյրերը - Սարգիս Գասապեան, Գէորգ Գրիգորեան, Ալին Պաղտասարեան, Փառլա Գէորգեան, Յակոբ Տէր Ղուկասեան, Ժան Քէչէճեան, Վիգէն Սարգսիսեան, Ժուլիանա Այնչճեան, Շանթ Պարսամեան, Իշխան Եղիայեան, Ասպետ Եղիայեան, Յակոբ Մուրաջանեան, Կարօ Մուրաջանեան, Թամին Իշխանեան, Վաչէ Նանարեան, Մանօ Մերտիսանեան, Կարօ Թերզեան, Հրայր Մարգարեան, Ռաֆֆի Գէորգեան, Ֆէտի Թամրա եւ Յակոբ էքմէճեան (ոմանք ի բացակայութեան):



Հ.Մ.Ը.Մ.ի Լիբանանի Շրջանային Սկաուտ. Խորհուրդին անունով խօսք առաւ քոյր Արաքս Գուլածեան: Ան նշեց, որ հաւաքին պատճառը գնահատումն ու արժենորումն է այն խմբապետ-խմբապետուհիներուն, որոնք մօտիկ անցեալին գործեցին ու կը գործեն՝ հաւատքով եւ գիտակցութեամբ: Անոնք են, որ գայլիկին ու արծուիկին փոխանցեցին, սորվեցուցին ու կը շարունակեն սորվեցնել խոստումն ու կանչը, արիին ու արենոյշին՝ խոստումն ու դաւանանքը, երէցին ու պարմանուհիին՝ երդումն ու ծառայալիրութիւնը:


Քոյր Արաքս ըսաւ, թէ վկայեալ Հ.Մ.Ը.Մ.ականներէն կ'ակնկալուի, մարդուժի անհրաժեշտութեան այս օրերուն, գօրակից, գործակից ու գործօն մասնակից ըլլալ միութենական կեանքին, յատկապէս սկաուտական մարզին իրենց փորձառութիւնն ու գիտելիքները փոխանցելու համար:



Յ.Ս.Ը.Ս.ի Կեդրոնական  
Վարչութեան անդամ  
եղբ. Կարպիս Գապասագալեան



Հ.Ս.Ը.Ս.ի Կեդրոնական  
Վարչութեան ատենապետ  
եղբ. Գրիգորիս Պողարեան



Իր խօսքին աւարտին, քոյրը ողջունեց ներկայութիւնը Հ.Մ.Լ.Մ.ական եղբայր Աստոմ Թնձուկեանին, որ հիւրաբար կ'այցելէր Լիբանան եւ այս առիթով ներկայ էր ձեռնարկին:

Վկայեալներուն խօսքը փոխանցեց եղբ. Ներսեն Լիպարեան: Ան իր խօսքին մէջ անդրադարձաւ աւելի քան տասը տարի առաջ սկսած դասընթացքին, որ զանազան հանգրուաններով ընդմիջւած եւ վերսկսած էր: Եղբ. Ներսեն լուսարձակի տակ առաւ այս կարգին խմասոր. «Այս հաստատագիրին տուչութեան գաղափարը իւրայատուկ է, որովհետեւ մեր մեծամասնութիւնը այսօր տարագաւոր չէ: Սակայն կը մնանք հաստատ Հ.Մ.Լ.Մ.ականներ՝ ամբողջ սրտով ու հաւատքով», ըսաւ ան: Իր խօսքը շարունակելով, եղբ. Ներսեն վկայեալներուն անունով շնորհակալութիւն յայտնեց եւ անոնց անունով խոստացաւ շարունակել ծառայութեան երթը, մանաւանդ Լիբանանի ներկայ տագնապալի օրերուն, իբրեւ Հ.Մ.Լ.-Մ.ականներ եւ կամ նախկին տարագաւորներ, անսալ որեւէ կոչի, որ կը նպաստէ Հ.Մ.Լ.Մ.ի եւ մանաւանդ՝ սկառութեան վերելքին:

Այսուհետեւ, Հ.Մ.Լ.Մ.ի պատմականին, անոր մարզական եւ սկառուտական գործուննութեան, նուածումներուն եւ սիհւռքահայութեան կեանքին մէջ ունեցած դերակատարութեան ու ներդրումին անդրադարձաւ Շրջանային



Վարչութեան ատենապետ եղբ. Յակոբ Քէշիչեան: Ան չեշաը դրաւ հայրենիքն զուրս ապրողներու սրտերուն մէջ հայրենիքի սէրը մնայուն կերպով արթուն պահելու Հ.Մ.Լ.Մ.ի յանձնաւութեան վրայ:

«Այսօր, 16 նոյեմբեր 2007ին, հաճելի գուգաղիպութեամբ մը, վաստակաւոր խումբ մը Հ.Մ.Լ.Մ.ական սկառուտներ վկայեալ կարգի վկայականներ կը ստանան՝ 89 տարիներ ետք Հ.Մ.Լ.Մ.ի հիմնադրութեան ճիշդ թուականն, եւ նոյն օրը վեթերան սկառուտ եղբայր մը՝ Պատրիկ Կիւլպէնկեան կը պարզեւատրուի Լիբանանի երիտասարդութեան եւ

մարմնակրթութեան նախարարութեան կողմէ», ըսաւ եղբ. Քէշիչեան, աւելցնելով, որ վկայականները արգասիքն են երկար տարիներու ընթացքին սկառուտական շարքերու մէջ տարուած ծառայութեան: Ան նշեց, որ այս վկայագիրը նաև յաւելեալ պարտք մը կը դնէ իւրաքանչիւր Հ.Մ.Լ.Մ.ականի ուսերուն՝ ներկայ պայմաններուն մէջ եւ նորանոր մարտահրաւելներու դէմ յանդիման կրկնակի աշխատանք տանելու՝ հայ պատանին ու երիտասարդը հեռու պահելու համար խաթարուած միջավայրերէ եւ զանոնք պահելու համար միութենական կեանքին մէջ:



Դանդիսութեան ներկաները: Ա. շարքի վրայ՝ Հ.Ս.Ը.Ս.ի Կեդրոնական Վարչութեան ներկայ եւ նախկին անդամներ եւ եղբ. Աստոմ Թնձուկեան (ծախէն չորրորդը):



Լիբանանի Շրջանային Սկզբունքը Խորհրդարարութեան ատենապետ քոյր Արաքս Գոլածեան, Շրջանային Վարչութեան ատենապետ եղը Յակոբ Քէշիշեան: Վկայեալներուն խօսքը կը փոխանցէ եղը. Ներսեի Լիպարեան:

Այս առիթով, եղբ. Քէշիշեան շնորհաւորեց վկայեալներն ու նախարարութեան կողմէ պարգևեատրուած եղբ. Պատրիկ Կիւլպէնկեանը՝ հաստատելով, որ «Հ.Մ.-Հ.Մ.Ի. պողպատեայ հիմերուն վրայ կը պատրաստուին առաքինի սկառուներ, հայրենիքի պաշտպան վաղուան զինուորներ ու ապագայի ղեկավարներ»:

Հանդիսութեան փակման խօսքը արտասանեց Հ.Մ.Հ.Մ.Ի. Կեդրոնական Վարչութեան անդամ եղբ. Կարպիս Գապասպալեան: Ան ըստ, թէ նման հաւաքներ առիթ են անցեալին ակնարկելով ըսելու. «Փառք ու պատիւ մեր ծընողներուն, որոնք ասկէ 89 տարիներ առաջ՝ այսօրուան պէս հրաշագործ եւ

վեհատեսիլ գաղափարը ունեցան ծնը-ունդ տալու Հ.Մ.Հ.Մ.Ին»:

Եղբ. Գապասպալեան ըստ, թէ միութեան երկարամեայ ուղին եւ պատմութիւնը իրենց հետ թելագրանքներ կը բերեն. «Խօսքին ու գործին մէջ ծով մը կայ. Խօսքը շատ յաճախ պղպջակի կը նմանի, մինչ գործը՝ ստեղծագործութիւն է: Այսօր, աւելի քան երբեք, մէնք պահանջը ունինք ստեղծագործ միտքերու եւ կամքերու, ստեղծագործ բազուկներու, որոնք կ'ենթագրեն յաւելեալ ճիռ, զոհողութիւն, նուիրում եւ յատկապէս՝ սէր, որովհետեւ գործ մը սիրելով կ'ընենք, ոչինչ կը խնայենք անոր համար եւ հազար միջոց կը գլու-

նենք զայն իրագործելու եւ յաջողցնելու համար, այլապէս ան նման պիտի ըլլայ առանց գերձանի կար կարելու»:

Իր խօսքին աւարտին, եղբ. Գապասպալեան վկայեալները չնորհաւորելով վստահեցուց, որ անոնք յառաջիկայ օրերուն գործնապէս մասնակից պիտի դառնան հաւաքական մեր աշխատանքներուն՝ միշտ գերադասելով միութեան վեհասլաց նշանաբանը՝ «Բարձրացիր-բարձրացուրց»: Ան նաեւ ողջոյնի եւ չնորհաւորութեան իր խօսքերը ուղղեց եղբայրներ Ատոմ Թնճուկեանին եւ Պատրիկ Կիւլպէնկեանին:

Հանդիսութիւնը փակուեցաւ «Յառաջ նահատակ» քայլերգով:

## ՀԱՄԱՇԽԱՐՀԱՅԻՆ ՍԿԱՌՏՈՒԹԵԱՆ 100ԱՄԵԱԿԻ ՆՇՈՒՄ ԼԻԲԱՆԱԿԻ ՄԷՋ

Թղթակից  
Պուրութ ԴԱՍՈՒՏ


  
ամաշխարհային սկառուտական շարժումի ստեղծման 100ամեակի տօնակատարութիւններու շարքին, կոկիկ ու պատշաճ հանդիսութիւն մըն ալ տեղի ունեցաւ Լիբանանի մէջ, կազմակերպութեամբ՝ Հ.Մ.Հ.Մ.Ի. Լիբանանի Շրջանային Սկզբունք. Խորհուրդին:  
Հանդիսութիւնը կատարուեցաւ Հ.Մ.Հ.Մ.Ի. Լիբանանի

Շրջանային Վարչութեան գրասենեակին մէջ, «Երեւանեան» կեդրոնի երկրորդ յարկին վրայ, ներկայութեամբ մասնաճիւղերու Սկզբունք. որհուրդներուն եւ միաւորներու մասնաճիւղերու խմբապետներուն: Բարի գալուստի խօսքը արտասանեց Շրջանային Սկզբունք. Խորհուրդի ատենապետ քոյր Արաքս Գոլածեան: Ան յայտնեց, թէ համաշխարհային սկառուտական համագործութեան 100ամեակին առիթով Շրջանային Սկզբունք. Խորհուրդը որոշած է սեղմ շրջանակի մէջ յիշատակել այս տօնը, որովհետեւ Լիբանանի քաղաքական պայմանները չեն արտօներ, որ անիկա նշուի մեծ շուրջով:

Շրջանային Սկզբունք. Խորհուրդին խօսքը փոխանցեց քոյր

իրմա ճէրէճեան: Ան անդրադառնալով սկառտութեան հիմնագրութեան՝ յայտնեց, թէ անգիշական բանակի սպայ զօրավար լորտ Պէյտըն Փառուը անդրադառնալով որ բանակի երիտասարդ անդամները չեն գիտակցիր իրենց պատասխանաւութիւններուն, գաղափար չունին քարտէսագիտութենէ, անմիջական բուժօգնութենէ եւ միայն գիտեն կարդալ-գրել, իր մաքին մէջ ծնունդ կ'առնէ սկառտական շարժում յառաջացնելու գաղափարը՝ պատրաստելու համար «օգտակար եւ վստահելի անձեր»:

Շարունակելով, քոյր ճէրէճեան հաստատեց, որ 100 տարի ետք տակաւին սկառտութիւնը կը մնայ միակ դպրոցը, որ կը նպատակադրէ պատրաստել առողջ, ինքնավստահ, քաջ, նախաձեռնող, ծառայակար, նկարագիրի տէր տիպար քաղաքացիներ եւ ղեկավարներ: Ան նաեւ չեղտեց, որ 100 տարի ետք Հ.Ս.Լ.Ս.ի Շրջանային Սկառտ. Խորհուրդը, խմբապետութիւնը եւ բոլոր սկառտաները կը խոստանան իրագործել հայ ժողովուրդի գերագոյն նպատակները, բարձրանալ եւ իրենց հետ բարձրացնել Հ.Ս.Լ.Ս.ի ջահը՝ միշտ պատրաստ մնալով պատնէշի վրայ:



## Եղբ. Լեւոն ԹաշճեԱՆԻ ՄԱՍՆԱԿՑՈՒԹԻՒՆԸ ՊԵՅՏՐՈՒԹԻ ՄԻՋԱՉԳԱՅԻՆ ՄԱՐԱԹՈՆԻՆ

Յաջորդաբար հինգերորդ տարին ըլլալով, վեթերան Հ.Ս.-Ը.Մ.ական եղբ. Լեւոն Թաշճեան, Նոյեմբերին, իր մասնակցութիւնը բերաւ Պեյտրութի միջազգային 5րդ մարաթոնին:

Եղբ. Թաշճեան, որ պատահականօրէն կրեց թիւ 42 շապիկը, 1953ի ծնունդներու դասակարգին մէջ հանդիսացաւ հինգերորդ՝ արձանագրելով 4 ժամ եւ 40 վայրկեան արդիւնք մը:

42 թիւ. Վազելով եղբ. Թաշճեան ապացուցեց, որ կը մնայ միշտ կայտառ ու պատրաստ՝ բարձր պահելու համար:

*The Champs Élysées just steps away and the Parc Monceau nearby*

HOTEL




PAVILLON MONCEAU

PARIS

*Full of charme,  
Tastefully decorated 36 rooms  
and 6 suites with individual  
heating/air conditioning,  
direct access telephone line,  
internet connection, minibar,  
safety box and satellite TV.  
Private bathroom with hairdryer.  
The suites can accommodate  
3 adults or a family  
with parents and 2 children.*

PAVILLON MONCEAU



43 rue Jouffroy d'Abbans 75017 Paris  
Tel 331 56 79 25 00 - Fax 331 42 12 99 38

[infos@pavillon-monceau.com](mailto:infos@pavillon-monceau.com)  
[www.pavillon-monceau.com](http://www.pavillon-monceau.com)



## ՊԵՅՉՐՈՒԹԻՒ ՍԿԱՌԻՑՆԵՐԸ ԼԻԲԱՆԱՆԻ ԲԱՐՁՐԱԳՈՅՆ ԳԱԳԱԹԻՆ ՎԼՐԱՅ

տէի մասնաճիւղէն Յպատասխանատուներ ուղղութեցան հրամային Լիբանանի Արզ շրջանը եւ սկսան աւելի քան 25 քլմ. երկարութեան արշաւին: Բանակավայր ժամանելէ ետք, երէցները հաստատեցին իրենց վրանները եւ ընթեցին:

Կիրակի առաւօտ, կանուխ ժամերուն, երէցները վերսկսան արշաւելու եւ ժամեր ետք հասան լիբան գագաթը, ուր կարճ դադարէ մը ետք, բռնեցին վերադարձի ճամբան, նոյնպէս արշաւելով:

Կիրակի կէսօրին մասնաճիւղին խմբապետական կազմը, «Մեղրի» փաղանգի պարմանուհիները եւ Սկառտ. Խորհուրդը

### Սկառտ ՊԵՅՉՐՈՒԹ

**Ե**ռկօրեայ երկար արշաւէ մը ետք, Կիրակի, 14 Հոկտեմբեր 2007ի առաւօտեան, Հ.Մ.Հ.-Մ.ի Պէյրութի մասնաճիւղի «Զարեհեան» փաղանգի երէցները նուա-

ճեցին Քորնէթ Սառուտան՝ Լիբանանի եւ Միջին Արեւելքի բարձրագոյն գագաթը, ուր ամպերէն վեր, ամայութեան մէջ, հովերուն եւ ցուրտին դէմ կոթողեցին եռագոյնն ու Հ.Մ.Հ.Մ.ի դրօւր:

Արշաւը սկսաւ օր մը առաջ, Շաբաթ, 13 Հոկտեմբերի առաւօտեան կանուխ ժամերուն, Հ.Մ.Հ.Մ.ի Պէյրութի ակումբէն, ուրկէ 11 երէցներ եւ Ժրտէյ-

միացան երէցներուն եւ միասնաբար ճաշեցին էհատէնի մէջ:

Այս յայտագիրը, որ խւրայատուկ էր իր նպատակով, տարողութեամբ եւ դժուարութեամբ, եղբայրներուն մէջ վերակենդանացուց չարքաշութիւնը, ինքնավստահութիւնը եւ վերյշեցուց, թէ օր մը բոլորը պէտք է արշաւեն դէպի Արարատի գագաթը:

## ՍԿԱՌԻՏԱԿԱՆ ՃԱՐՔԵՐՈՒ ԶԻՐՔԵՐՈՒ ՅԱՅՏՆԱԲԵՐՄԱՆ ՄՐՑԱՋ

### Թղթակից ՊՈՒՐԵ ՂԱՍՈՒՏ

**Հ**ովանաւորութեամբ Հ.Մ.Հ.Մ.ի Լիբանանի Շրջանային Վարչութեան, կազմակերպութեամբ Հ.Մ.Հ.Մ.ի Լիբանանի Շրջանային Սկառտ. Խորհուրդին եւ Շրջանային խմբապետական կազմին ու մասնակցութեամբ մասնաճիւղերու սկառտական կազմերուն, Կիրակի,

18 Նոյեմբեր 2007ի յետմիջօրէի ժամը 4ին, Պուրճ Համուտի «Յովհաննէս Պօղոսեան» թատերասրահին մէջ տեղի ունեցաւ ձիրքերու յայտնաբերման մրցանք՝ ներկայութեամբ Հ.Մ.Հ.-Մ.ի Կեդրոնական Վարչութեան անդամներու, մասնաճիւղերու վարչութիւններու ներկայացուցիչներու, ծնողներու, լակառաներու եւ մէծ թիւով համակիրներու:

Լիբանանի, Հայաստանի եւ Հ.Մ.Հ.Մ.ի սկառտական քայլերգներուն յոտնկայս ունկնդրութենէն ետք ձեռնարկին բացման խօսքը արտասանեցին Կալի Խիւտավերտեան (արծ-

ւիկ) եւ նազօ թովմասեան (երէց), որոնք բարի գալուստ մաղթելով ներկաներուն յայտնեցին, թէ նշեալ մրցանքը կը նպատակադրէ քաջալերել արուեստի մարզին մէջ սկառուտներուն ունեցած նախասիրութիւնները՝ յայտնաբերելով ենթականերուն կարողութիւններն ու ձիրքերը:

Ապա, Հ.Մ.Լ.Մ.ի Անթիլիասի, Պէյրութի, Պուրճ Համուտի եւ Ժբայտէի սկառուտները անհատական թէ խմբային կատարումներով բեմ բարձրացան՝ ներկայացնելու համար ասմունքներ, պարեր, ժամանակական ներկայացումներ, կենդանի պատկերներ, նուագներ եւ երգեր:

Մրցանքին կը մասնակցէին մոլլիները, գայլիկ-արծուիկները, արի-արենոյշները եւ երէց-պարմանուհիները, որոնք երկար ժամանակ աշխատելէ ետք հանդէս կու գային՝ դատական կազմին կողմէ ստանալու համար համապատասխան արժեկուումներ ու գնահատականներ:

Սկառուտները կարողացան ազգային, սկառուտական, մարդական, դասական, կատակերգական ու այլ թեմաներով յայ-



տագրին ընթացքին արժանանալ ներկաներու ծափահարութիւններուն: Կատարումներէն ետք բեմ բարձրացան դատական կազմի անդամները՝ իրմա Գապաքեան-Տէտէեան, Միքայէլ Մկրտչեան, Յասմիկ Պէրթիզեան, Գօգօ Արբաճեան եւ Անի Կոստանեան՝ յայտարելու համար մրցանքին արդիւնքները:

Դատական կազմին անունով խօսք առաւ իրմա Գապաքեան-Տէտէեան, որ յայտնեց, թէ քաջալերելի է կազմակերպումը նմանօրինակ ձեռնարկներու, որոնք լաւապէս կը ծառայեն սկառուտներու ձիրքերու յայտնաբերման եւ զարգացման: Ան հաստատեց, որ մասնակիցները շատ լուրջ եւ երկարաշունչ աշխատանք կատարած էին, որուն իբրեւ արդիւնք՝ դատական կազմը մետախներ եւ յուշանուէրներ յանձնեց բոլոր մասնակցողներուն:

Մրցանակներ ստացան նաեւ դաշնակ նուազող սկառուտներն ու գծագրութեան մրցանքին մասնակիցները:

Զիրքերու յայտնաբերման մրցանքը փակուեցաւ «Յառաջնահատակ» քայլերգով:

**With the compliments of**

**Restaurant Al-Mayass**



# ՄԻԶ-ՄԱՍՆԱՅԻՒՂԱՅԻՆ ԽՄԲԱՊԵՏԱԿԱՆ ՍԵՄԻՆԱՐ՝ ՔԻՆԿԱԾՈԹԸՆԻ ՄԷԶ

**Տիրան Շահինեան  
Սովորեսլ**

**Հ.Ը.Ը. Մ.ի Գանատայի շրջանի տարեկան խմբապետական սեմինարը տեղի ունեցաւ 15 Սեպտեմբեր 2007ին, առաւտօնեան ժամը 9էն սկսեալ, Քինկըսթընի մէջ: Ժողովին ներկայ գտնուեցան Շրջանային Վարչութեան անդամներէն եղբայրներ Բարգէն Կարապետեան, Մոսիկ Թոփուզեան եւ Լեւոն Նամարեան: Ներկայ էին Մոնթքէալի եւ Թորոնթոյի մասնաճիւղերէն 42 խմբապետ-խմբապետուհիներ, փոխխմբապետ-խմբապետուհիներ եւ օգնականներ: Գէմպրինի մասնաճիւղի վարչութեան կազմէն ներկայ էին երեք քոյրեր: Շրջանային Վարչութեան ատենապետ եղբ. Բարգէն Կարապետեանի բարի գալուստի խօսքէն ետք, ժողովը ընտրեց իր**

դիւանը (եղբ. Արա Գույումճեան եւ քոյր Գառնի Գասապեան) եւ գործադրեց պատրաստուած օրակարգը, իր աշխատանքները աւարտելով կէսօրէ ետք ժամը 5ին: Ժողովը նախ լսեց մասնաճիւղերու սկառատական աշխատանքներու մասին գեկոյց, ապա՝ մանրամասնորդն քննեց շրջանի յաջորդ միջ-մասնաճիւղային բանակումին նախապատրաստական աշխատանքները: Բանակումը տեղի պիտի ունենայ 2008ի ամրան:

Ժողովը քննեց Հիւսիսային Ամերիկայի երեք շրջաններու միջեւ սկառատական հանդիպումներու կարելիութիւնը եւ միջ-շրջանային սկառատական սեմինարին մանրամասնութիւնները:

«Յառաջ նահատակ»ով փակուած սեմինարին մասնակցող խմբապետները գնահատանքով արտայայտուեցան անոր մասին:

## Հ.Ը.Ը.-ՖՐԱՆՍԻ, ԼՈՆՏՈՒԻ ԵՒ ԵՐՈՒՍԱԿԵՄԻ ՆՈՐ ՎԱՐՉՈՒԹԻՒՆՆԵՐ

**Վ**երջին շրջանին, անդամական իրենց ընդհանուր ժողովները գումարեցին եւ նոր վարչութիւններ ընտրեցին Հ.Ս.Ը.-Ֆրանսի, Լոնտուի եւ Երուսակեմի մասնաժիւլերը:

Ստորեւ՝ նորընտիր կազմերը աշխատանքային իրենց բաժանումներով:

### Հ.Ը.Ը.-ՖՐԱՆՍԻ

Ատենապետ՝ եղբ. Լեւոն Պաղտասարեան

Փոխատենապետ՝ եղբ. Վարանդ Պաղտասարեան

Ատենապետ՝ քոյր Ռիթա Իսահակեան

Գանձապահ՝ եղբ. Յարութ Պագգալեան

Հաշուապահ՝ եղբ. Նազո Նամարեան և որհրդականներ՝ եղբայրներ՝ Հարմիկ Օհանեան, Արմէն Մնացականեան,

Նարեկ Արմինեան, Մորիս Տէմիրճեան, Անդրանիկ Պահարեան եւ Անտրէ Մարգարեան:

### Հ.Ը.Ը.-ԼՈՆՏՈՒ

Ատենապետ եւ սկառատական բաժնունքի կապ- եղբ. Արմանտ Աբրամեան

Ատենապետ՝ քոյր Արմինէ Գասպարեան

Հաշուապահ եւ տեխնիկականի պատասխանատու՝ եղբ. Ալէն Դաւթեան

Տնտեսական- քոյր Զուարթ Մտիւանեան

Շրջանաւարտից յանձնախումբի կապ, դրամահաւաք (արտաքին)- քոյր Եռլիք Մարուխանով

HYE յանձնախումբի կապ- քոյր Ալենոյշ Յովհաննիսեան

### Հ.Ը.Ը. ԵՐՈՒՍԱԿԵՄԻ

Ատենապետ՝ եղբ. Սերոբ Սահակեան Փոխատենապետ՝ եղբ. Յակոբ Տըլլարեան

Ատենապետ- եղբ. Յարութ Պագգալեան

Գանձապահ- եղբ. Ազնիւ Հինույցեան

Սկառատապետ- եղբ. Բաֆֆի Եղիշեան

Հաշուապահ- եղբ. Ռուբէն Նալպանտեան

Մարգարականի ներկայացուցիչ - եղբ. Կարո Պաղպուտէրեան

Մշակութայինի ներկայացուցիչ - եղբ. Գէորգ Սանտրունի

Հնկերայինի ներկայացուցիչ - եղբ. Անդրանիկ Տէմիրճեան

Նոր Սերունդի ներկայացուցիչ - քոյր Ռոպան Կիրակոսեան

Երիտասարդականի ներկայացուցիչ - եղբ. Գէորգ Հէքիմեան



# Հ.Մ.Ը.Մ.Ի ԱՐԵՒԼԵԱՆ ՄԻԱՑԵԱԾ ՆԱՀԱԳՆԵՐՈՒ ՇՐՋԱՆԻ ՀԻՄՆԱԴՐՈՒԹԵԱԾ ՅՈՎՄԵԱԿԻ ՏՕՆԱԿԱՏԱՐՈՒԹԻՒՆ

Թղթակից  
ՈՒԹԵՐԸՐԺԱՌԻՆ

Հ.Մ.Ը.Մ.Ի Արեւելեան Միացեալ Նահանգներու շրջանը մեծ շուրջով նշեց իր հիմնադրութեան 30ամեակը: Հանդիսութիւնը տեղի ունեցաւ «Շերաթոն Ֆրամինկհամ» հիմնացին մէջ: Ներկայ էին հանդիսութեան հովանաւոր՝ Թեմի Առաջնորդ Օշական Արք. Չոլոյեանի ներկայացուցիչ Անուշաւան Եպս. Դանիէլեան, Հ.Մ.Ը.Մ.Ի Կեղրոնական Վարչութեան անդամ եղբայրներ Վահրամ Դանիէլեան եւ Գօօդ Պալեան, Շրջանային Վարչութեան անդամներ, Գանատայի Շրջանային Վարչութեան ներկայացուցիչ Եղբ. Վահան Զալիքեան, Ս. Ստեփանոս եկեղեցոյ հոգեւոր հովիտ Անդրանիկ Ա. Քհնյ. Պալճեան, Կաթողիկէ եկեղեցոյ հոգեւոր հովիտ Հայր Ռաֆայէլ Անտոնեան եւ Աւետարանական եկեղեցոյ հոգեւոր հովիտ Պատուելի Աւետիս Պոյնարեան:

Շրջանի 30ամեակին առիթով Գանատայի Շրջանային Վարչութեան շնորհաւորները փոխանցեց Եղբ. Վահան Զալիքեան: Ան յիշեցուց հիմնադրութեան առաջին քայլերը, երբ իրեւ միացեալ շրջան միասին ճամբար կ'ելէին Գանատայի եւ Արեւելեան Միացեալ Նահանգներու Հ.Մ.Ը.Մ.ականները, իրենց հարազատ կազմակերպութեան հունտերը ցանելով հիւրընկալ այս նոր ավերուն վրայ:



Կի կազմակերպիչ յանձնախումբին ժրածան աշխատանքին շնորհիւ հանդիսութիւնը պսակուեցաւ մեծ յաջողութեամբ:

Հանդիսութիւնը սկսաւ դրօշա-

կակիր արի-արենոյշներու հանդիսաւոր մուտքով, որմէ ետք Սեւակ Խաչատուր-եան կատարեց Միացեալ Նահանգներու, Հայաստանի եւ Հ.Մ.Ը.Մ.Ի քայլերգները:

Հանդիսավար Եղբ. Աւո Պարմաքեան իր բացման խօսքին մէջ բարի գալուստ մաղթեց

շուրջ 400 ներկաներուն եւ շեշտեց մարմնակրթական այս կազմակերպութեան առաջնորդութիւնը, իրեւ նորահաս սերունդին հայեցի դաստիարակութիւնը, իրեւ միացեալ շրջան միասին ճամբար կ'ելէին Գանատայի եւ Արեւելեան Միացեալ Նահանգներու Հ.Մ.Ը.Մ.ականները, իրենց հարազատ կազմակերպութեան հունտերը ցանելով հիւրընկալ այս նոր ավերուն վրայ:

Հայ Յեղափոխական Դաշնակցութեան շրջանի Կեղրոնական Կոմիտէին խօսքը փոխանցեց Հայկ Օշական: Ան իր խօսքին մէջ լուրդեց հայապահապանումի ու հայակերպումի համասփիւռքեան աշխատանքին մէջ 89ամեայ այս կազմակերպութեան ունեցած անուրանալի



չութեան ատենապետ եղբ. Ռազմիկ Փանոսեան: Ան շնորհակալութիւն յայտնեց բոլոր անոնց, որոնք իրենց բարոյական եւ նիւթական աջակցութեամբ կը

նպաստեն միութեան աշխատանքներուն:

Շրջանային Վարչութեան խօսքը փխանցեց Եղբ. Յակոբ Խիսանեան, որ ընդգծեց Հ.Մ.Ը.Մ.Ի կատարեց ցուցաբերելու կարեւորութիւնը, իբրեւ մատղաշ սերունդի հայեցի դաստիարակութեան ապահով ու հոգատար միջավայր:

Շրջանի 30ամեակին առիթով Գանատայի Շրջանային Վարչութեան շնորհաւորները փոխանցեց Եղբ. Վահան Զալիքեան: Ան յիշեցուց հիմնադրութեան առաջին քայլերը, երբ իրեւ միացեալ շրջան միասին ճամբար կ'ելէին Գանատայի եւ Արեւելեան Միացեալ Նահանգներու Հ.Մ.Ը.Մ.ականները, իրենց հարազատ կազմակերպութեան հունտերը ցանելով հիւրընկալ այս նոր ավերուն վրայ:

Հայ Յեղափոխական Դաշնակցութեան շրջանի Կեղրոնական Կոմիտէին խօսքը փոխանցեց Հայկ Օշական: Ան իր խօսքին մէջ լուրդեց հայապահապանումի ու հայակերպումի համասփիւռքեան աշխատանքին մէջ 89ամեայ այս կազմակերպութեան ունեցած անուրանալի



դերը: Ան շեշտեց նաեւ Սփիւռքի մէջ հասակ նետած սերունդները վերանկախացած հայրենիքին կապելու միութեան հնարաւորութիւնները: Հայկ Օշական անդրադարձաւ նաեւ շրջանի Հ.Մ.Լ.Մ.ի դիմագրաւած դժուարութիւններուն եւ յանուն Հայ Յեղափոխական Դաշնակցութեան հաստատեց, թէ Հ.Յ.Դ.ն իր բոլոր կարելիութիւններով կ'աջակցի Հ.Մ.Լ.Մ.ին, որպէսզի այս կազմակերպութիւնը շարունակէ իր նուիրական առաքելութիւնը:

Հ.Մ.Լ.Մ.ի Կեդրոնական Վարչութեան անդամ եղբ. Վահրամ Դանիէլեան

շեշտեց Հ.Մ.Լ.Մ.ի համահայկական կառույցին մէջ Արեւելեան շրջանի 30ամեայ կազմակերպութեան տեղը, որ նուածւած է անոր անդամներուն եւ համակիրներուն անխոնջ աշխատանքով: Եղբ. Դանիէլեան կոչ ուղղեց ժողովուրդին, որ իրենց մատղաշ զաւակները վստահին Հ.Մ.Լ.Մ.ին, շարունակեն գօրակցիլ այս կազմակերպութեան, յանուն մեր նոր սերունդի հայեցի դաստիարակութեան:

Եղբափակիչ խօսքով հանդէս եկաւ Անուշաւան եպս. Դանիէլեան, որ նախ փոխանցեց շրջանէն դուրս գտնուող թեմի Առաջնորդ Օշական Արք. Զորյեանի օրհնութիւնն ու շնորհաւորանքները, ապա իր հայրական պատգամին մէջ գնահատեց ազգային մէր իրականութեան մէջ Հ.Մ.Լ.Մ.ին մատուցած անփոխարինելի ծառայութիւնը: Սրբազն Հայրը շեշտեց, թէ Հայ եկեղեցւոյ հայ դպրոցի Հարմանատեան եւ իր նուագախումբը:



**Տօնակատարութեան ընթացքին խօսք Կ'արտասանէ  
Թեմի Առաջնորդ Օշական Արք.  
Զորյեանի ներկայացուցիչ  
Անուշաւան եպս. Դանիէլեան:**

Կողքին՝ Հ.Մ.Լ.Մ.ը իր մասնաճիւղերով ու ակումբներով եղաւ այն հարազատ տունը, ուր սերունդներ հայկականութեամբ զինուեցան ու կարողացան պահպանել մեր մշակոյթը, լեզուն ու պատմութիւնը:

Պաշտօնական յայտագիրէն ետք, երեկոն խանդավառեցին երգիչ Ատիս Հարմանատեան եւ իր նուագախումբը:



## Հ.Մ.Լ.Մ.Ի ԱՐԵՒԼԵԱՆ ՄԻԱՅԵԱԼ ՆԱՀԱՆԳՆԵՐՈՒՄ ԾՐՁԱՆԱՅԻՆ ՅԵՐԿԱՅԱՑԱՑՈՒՅՉԱԿԱՆ ԺՈՂՈՎԸ

**Թղթակից  
ՊՈՍԹԸՆ**

**Հ**րջանի հիմնադրութեան 30ամեակի հանդիսութեան զուգահեռ, Հ.Մ.Լ.Մ.ի Արեւելեան Միացեալ Նահանգներու շրջանը երեք օրերու ընթացքին գումարեց իր 32րդ Ծրջանային Ներկայացուցչական ժողովը, Հոկտեմբեր 26-28, Պութնի «Երաթին Ֆրամինհամ» հիւրանոցին մէջ, մասնակցութեամբ շրջանի տասը մասնաճիւղերու (Ալպընի, Նիւ Եորք, Նիւ Ճըրզի, Շիքակ, Ուաշինգթոն, Պոսթըն, Տիֆ-

րոյթ, Փրովիտընս, Ֆիլատելֆիա եւ Հարաւային Ֆլորիտա) լիազօր ներկայացուցիչներու, Հ.Մ.Լ.Մ.ի Արեւելեան Միացեալ Նահանգներու Ծրջանային Վարչութեան լիազօր ներկայացուցիչն եւ Հ.Մ.Լ.Մ.ի Կեդրոնական Վարչութեան լիազօր ներկայացուցիչ եղբայր Վահրամ Դանիէլեանին, ընդհանուրը՝ 48 անդամներ: Խորհրդակցական ձայնով մասնակցողներու շարքին էին Հ.Յ.Դ. աելույն Կեդրոնական Կոմիտէի ներկայացուցիչը, Համազգայինի եւ Հ.Յ.Դ. Հայ Երիտասարդաց Դաշնակցութեան ներկայացուցիչները, Հ.Մ.Լ.Մ.ի Գանատայի Ծրջանային Վարչութեան ներկայացուցիչ եղբայր Վահան Զալիքեան, Հ.Մ.Լ.Մ.ի Արեւելեան Միացեալ Նահանգներու Ծրջանային Վարչութեան անդամները, Ծրջանային մարզական յանձնախումբի եւ Սկաուտ. որհուրդի ներկայացուցիչ-

ները եւ հրաւիրեալներ: Ժողովին հիւրաբար կը մասնակցէր Հ.Մ.Լ.Մ.ի Կեդրոնական Վարչութեան փոխատենապետ եղբայր ԳօդօՊալեան:

Ժողովին բացումը կատարեց Շրջանային Վարչութեան լիազօր ներկայացուցիչ եղբայր Վահէ Թանաշեան: Բարի գալուստի խօսքէն ետք ան խնդրեց որ ժողովը ընտրէ իր դիւտանը: Մնայուն դիւտան ընտրուեցան ատենապետներ՝ եղ-

բայրներ Համօ Սարտարպէկեանց եւ Արա Պարսումեան, ատենապետներ՝ քոյր Լիզա Զաքարեան, եղբայրներ Շանթ Ժամկոչեան եւ Կարօ Վարդանեան:

Ժողովին ընթացքին խօսքեր արտասանեցին Հ.Մ.Լ.Մ.ի Գանատայի Շրջանային Վարչութեան ներկայացուցիչ եղբայր Վահան Զալիքեան, Համազդայինի Շրջանային Վարչութեան ներկայացուցիչ Մանուէլ Բարսեղեան, Հ.Յ.Դ. Հայ Երիտասարդաց Դաշնակցութեան ներկայացուցիչ Լորէն Տէ Սիլվա, Հ.Յ.Դ. Արեւելեան շրջանի Կեդրոնական Կոմիտէի ներկայացուցիչ Հայկ Օշական, «Հայրենիք» շաբաթաթերթի խմբագիր Խաժակ Մկրտիչեան եւ Հ.Մ.Լ.Մ.ի Կեդրոնական Վարչութեան լիազօր ներկայացուցիչ եղբայր Վահրամ Դանիէլեան: Խօսք առնողները բարձր գնահատեցին Հ.Մ.Լ.Մ.ի կարեւոր դերը հայապահպանման աշխատանքին մէջ, մանաւանդ Մ. Նահանգներու այլասերիչ մթնոլորտին մէջ, որ կը պահանջէ յաւելեալ ճիզ եւ համբերութիւն: Անոնք յաջողութեան բարեմադրութիւններ փոխանցեցին ժողովին մասնաւորապէս եւ Հ.Մ.Լ.Մ.ին ընդհանրապէս, որպէսսի Հ.Մ.Լ.Մ.ը մնայ պատնէջի վրայ եւ շարունակէ իր ազգանուէր գործունէութիւնը:

Ժողովը առաջին հերթին ունկնդրեց տասը մասնաճիւղերու միամեայ գործունէութեան նիւթաբարոյական տեղեկագիրները եւ ապա՝ Շրջանային Վարչութեան միամեայ գործունէութեան նիւթաբարոյական տեղեկագիրը:

Համաձայն տեղեկագիրներու, անցնող երկամեակին, շրջանը ունեցած է բեղուն գործունէութիւն:

Ներկային Հ.Մ.Լ.Մ.ի Արեւելեան Մ. Նահանգներու շրջանը ունի:

- 1200է աւելի անդամ-անդամուհիներ եւ համակիրներ:
- 450է աւելի գայլիկ, արծուիկ, արի, արենոյշ, պատանի եւ պարմանուհիներ:

- 600է աւելի մարզիկ-մարզիկուհիներ:
- 70է աւելի մարզական երկանու խումբեր՝ ֆութպոլի, վոլլապոլի, պասքեթպոլի, ֆինկ-փոնկի, թենիսի եւ աթլէթի, ծիլ, փոքր, կրտսեր, երէց եւ վեթերան դասակարգերով:

Անցնող տարի, շրջանը կազմակերպած է հետեւեալներու:

- Մասնաճիւղերու վարչական կազմի դիւտաններու խորհրդաժողով, Նիւ Ճըրգիի մէջ:

- Միջ-մասնաճիւղային 17րդ մարզախաղեր, Տիթրոյթի



մէջ: Այս խաղերուն մասնակցած են 550 մարզիկ-մարզիկուհիներ:

- Շրջանային սկառուտական 21րդ ընդհանուր բանակում, Ֆիլատելիոյ մէջ: Բանակումին մասնակցած են 120 սկառուտներ:

- Վերամշակուած են Արջանի Սկառուտական ներքին Ծրագիր-կանոնագիրը եւ մարզական ներքին կանոնագիրը:

- Շրջանի 31րդ ներկայացուցչական ժողովը Պոսթընի մէջ:

Երեք օրերու ընթացքին, շրջանի բոլոր մասնաճիւղերէն ժամանած պատգամաւորները քննեցին ընթացաւարտ Շրջանային Վարչութեան երկամեայ գործունէութիւնը, մշակեցին յառաջիկայ երկու տարուան գործունէութեան ծրագիրը եւ ընտրեցին նոր Շրջանային Վարչութիւն:

Ժողովը լսելէ ետք ընթացաւարտ Շրջանային Վարչութեան բարոյական եւ նիւթական տեղեկագիրները եւ պատգամաւորներու կողմէ մատնանշուած դրական եւ բացասական երեսները, վարչութեան գործունէութիւնը նկատեց «Գնահատելի», նկատի ունենալով այն ծանր պայմանները, որոնց մէջ այս վարչութիւնը կը ստանձնէր իր պարտականութիւնները:

Ներկայացուցչական ժողովը շարունակեց իր աշխատանքը, մշակելով յառաջիկայ երկու տարուան մարզական եւ սկառուտական գործունէութեան ծրագիրները, յատկապէս յաջորդ տարուան միջ-մասնաճիւղային 18րդ մարզախաղերը Յուլիս 4ի շաբաթավերջնին, Շիքակոյի մէջ, եւ շրջանին սկառուտական 21րդ ընդհանուր բանակումը Օգոստոսին, Փրովիտընսի մէջ:

32րդ Շրջանային ժողովի յատուկ ուչադրութեան առարկաներէն մէկն էր միութեան սկառուտական եւ դաստիարակչական ծրագիրներուն կատարելագործումը, նկատի ունենալով որ մարզական եւ սկառուտական աշխատանքային մարզերու կողքին, Հ.Մ.Լ.Մ.ին համար մեծ նշանակութիւն ունի դաստիարակչական բաժինը:

Նկատելի եւ ուրախալի երեւոյթ էր պատգամաւորներու շարքին մեծ թիւով երիտասարդ Հ.Մ.Լ.Մ.ականներուն ներկայութիւնը, որ յաւելեալ յոյս կը ներշնչէ միութեան յարատեւութեան եւ հզօրացման իմաստով:

Ժողովի աւարտին ընտրուեցաւ Շրջանային Վարչութեան նոր կազմը՝ բաղկացած հետեւեալ Հ.Մ.Լ.Մ.ականներէ- Վարչութան Ճիխտոյեան, Հրաչ Մեսրոպակեան, Վահէ Թանաշեան, Ռոպէրթ Քալանթարի, Արա Մարկոսեան, Լեւոն Սահակեան եւ Երան Սիմոնեան:

Ժողովը փակուեցաւ Հ.Մ.Լ.Մ.ի քայլերգով, Կիրակի, 28 Հոկտեմբեր 2007ի կիսօրէ ետք ժամը 4ին:



# ՃԱՏՐԱԿԻ, ԼՈՂԻ, ՓԻՆԿ-ՓՈՆԿԻ ԵՒ ՊԱՍՔԵԹՊՈՎԻ ՄԻԶ-ՄԱՄԱՋԻՒՂԱՅԻՆ ԽԱՂԵՐ ԼԱԹԱՔԻՈՅ ԵՒ ԴԱՄԱՍԿՈՍԻ ՄԻԶ

Թղթակիցներ  
Լսություն, Դասասկզբ

«**Ֆ**արձրացիր-բարձրացուր» նշանաբանով գործող Հ.Մ.Հ.Մ.ի նըպատակը եղած է միջմասնաճիւղային խաղերով համախմբել տարբեր մասնաճիւղերէ Հ.Մ.Հ.Մ.ական մարզիկները, անոնց մարզական ոգին զօրացնելու եւ ազնիւ մրցակցութեան վարժեցնելու համար:

Այս նպատակէն թելադրուած, Հ.Մ.-Հ.Մ.ի Սուրբոյ Շրջանային Վարչութիւնը կազմակերպեց ճատրակի, լողի եւ փինկ-փոռնկի միջ-մասնաճիւղային խաղեր, որոնք տեղի ունեցան Լաթաքիոյ մէջ: Ցիշեալ խաղերուն մասնակցեցան Հալէպի, Քեսապի, Լաթաքիոյ եւ Գամիշլիի մասնաճիւղերէն մարզիկներ:

Լողի մրցումներուն պատասխանա-



տըռութիւնը ստանձնեց Լաթաքիայէն եղբ. Մովսէս Կարապետ: Մրցումը տեղի ունեցաւ տեղւոյն մարզական աւանի ձմեռնային լողաւազանը: Սուրբ մրցակցութենէ ետք, աղջկանց խումբէն առաջին հանդիսացաւ Հալէպէն քոյր նայիրի

Տէլքտէրեան, երկրորդ հանդիսացաւ Գամիշլիէն քոյր Ուուբինա Կոտոշեան, խակ տղոց խումբէն առաջին հանդիսացաւ Լաթաքիայէն եղբ. Քրիստ Խալոյեան, երկրորդը՝ դարձեալ Լաթաքիայէն եղբ. Մարգիս Կարապետ:



Ճատրակի մրցումին պատասխանաւորութիւնը ստանձնեց Շրջանային Վարչութենէն եղբ. Պատրիկ Զրաքեան, օգնականներ ունենալով Հալէպէն քոյր Նուշիկ Սիւլիւթեանը եւ եղբ. Վաչէ Քոչողլեանը: Մրցումը տեղի ունեցաւ ակումբի շրջափակին մէջ: Երէցներու խումբէն առաջին հանդիսացաւ Հալէպէն եղբ. Արա Ապաճեան, իսկ կրտսերներու խումբէն առաջին հանդիսացան Հալէպէն քոյր Նուշիկ Պարտագանեան եւ քոյր Դալար Թանաշեան:

Փինկ-փոնկի մրցումներուն պատասխանատորութիւնը ստանձնեց Գամիշիէն եղբ. Քրիստափոր Աբրահամեան: Մրցումը տեղի ունեցաւ ակումբին սրահը: Մրցումին աւարտին առաջին հանդիսացաւ Հալէպէն եղբ. Յակոբ Մանուկեան:

Արդիւնքները յատականալէ ետք, Շրջանային Վարչութենէն եղբ. Արմէն Քէօշկէրեան չնորհակալութեան խօսք ուղղեց Լաթաքիոյ մասնաճիւղի վարչութեան՝ իր ջերմ ընդունելութեան համար: Ան նաեւ չնորհակալութեան յատուկ խօսք ուղղեց մասնակից մարզիկներուն, որոնք Հ.Մ.Լ.Մ.ականի բարձր գիտակցութեամբ նպաստեցին ձեռնարկին յաջողութեան: Ապա, իւրաքանչիւր մարզիկի տրամադրուեցաւ յիշատակի մետաղ մը, որմէ ետք տեղի ունեցաւ բաժակներու տուշութիւն:

Միջ-մասնաճիւղային այս հանդիպումը վերջ գտաւ «Յառաջ նահատակ» քայլերգով:



### ՊԱՄՔԵԹՊՈԼԻ ՄՐՑԱՀԱՐՔ ԴԱՄԱՍԿՈՍԻ ՄԷՋ

Ճատրակի, լողի եւ փինկ-փոնկի միջ-մասնաճիւղային խաղերուն հետեւողութեամբ, Շրջանային Վարչութեան կազմակերպութեամբ տեղի ունեցան նաեւ

պատրակայի միջ-մասնաճիւղային խաղեր, այս անգամ Դամասկոսի մէջ:

Խաղերուն բացումը կատարելով, Շրջանային Վարչութեան անդամ եղբ. Մովսէս Քէօշկէրեան չնորհակալութիւն յայտնեց ներկաներուն, որոնք իրենց





անձնական հանդիսաւոր ձգած՝ նուիրած են միութեան բարգաւաճման: Ապա ան յաջողութիւն մաղթեց մարզիկներուն՝ թելադրելով որ մարզական ողիով եւ Հ.Ս.Ը.Ս. ականի բարձր գիտակցութեամբ մըցին՝ հասնելու համար բարձրագոյն դիրքին:

Պատքեթապոյի առաջին խաղը տեղի ունեցաւ Դամասկոսի եւ Գամիշլիի խումբերուն միջեւ եւ վերջ գտաւ 53-62 արդիւնքով՝ ի նպաստ Դամասկոսի խումբին:

Կէսօրուան ճաշէն եւ դադարէն ետք տեղի ունեցաւ երկրորդ մրցումը՝ Հալէպի եւ Գամիշլիի խումբերուն միջեւ: Մրցումը աւարտեցաւ 80-64 արդիւնքով, ի նպաստ Հալէպի խումբին: Այսպէսով Գամիշլիի խումբը հանդիսացաւ մրցաշարքին երրորդը: Նշելի է, որ Հալէպի մասնաճիւղը խաղերուն մասնակցեցաւ կրտսերներու խումբով:

Դամասկոսի համակիրները հոծ բազմութեամբ ներկայ գտնուեցան եզրափակիչ խաղին, որ տեղի ունեցաւ Հալէպի եւ Դամասկոսի խումբերուն միջեւ: Յետ բուռն մրցակցութեան, խաղը վերջ գտաւ 62-80 արդիւնքով, ի նպաստ Դամասկոսի խումբին, որ հանդիսացաւ առաջին, իսկ Հալէպի խումբը՝ երկրորդ:

Շրջանային Վարչութեան ձեռամբ բոլոր մարզիկները ստացան յատուկ շքանշաններ, իսկ խումբերը՝ բաժակները: Շրջանային Վարչութիւնը բաժակներով պատուեց մրցաշարքի տիպար մարզիկը՝ Դամասկոսէն եղը. Գօդո Գոճեանը եւ ամէնէն շատ կէտ արձանագրողը՝ Հալէպէն եղը. Սեպուհ Խառածեանը:

Աւարտին, Շրջանային Վարչութեան ատենապետ եղը. Բաֆֆի Տէր Աբրահամնեան իր փակման խօսքին մէջ շնորհակալութիւն յայտնեց Դամասկոսի վարչութեան՝ իր ջերմ ընդունելութեան եւ հիւրասիրութեան համար, ապա նշեց Հ.Ս.Ը.Ս.ի դերը սերունդներու ազգային առողջ գաստիարակութեան մէջ:

Հանդիսութիւնը փակուեցաւ «Յառաջնահատակ» քայլերգով:

**Հ.Ս.Ը.Ս.ի Գամիշլիի,  
Դամասկոսի եւ Հալէպի  
(կրտսերներ) պատրեթապոյի  
խումբերը:**



# Հ.Մ.Լ.Մ.Ի ՍՈՒՐԻՈՅ ՄԱՍՆԱՅԻՇ ԵՐՈՒ 15ՐԴ ԽՄԲԱՊԵՏԱԿԱՆ ԺՈՂՈՎԸ

**Թղթակից  
ՀԱԼԵՊ**

**Հ.Մ.Լ.Մ.Ի ՍՈՒՐԻՈՅ ՇՐՋԱՆԱՅԻՆ  
ՍԿԱՊՈՒՏ. ԽՈՐՀՈՒՐԴԻՆ ԿԱԳՄԱ-  
ԿԵՐՊՈՒԹԵԱՄԲ, ՍՈՒՐԻՈՅ մասնա-  
ՃԻԼԵՐՈՈւ 15ՐԴ ԽՄԲԱՊԵՏԱԿԱՆ  
ԺՈՂՈՎԸ տեղի ունեցաւ «Արամ  
Մանուկեան» ժողովրդային Տան «Լեւոն Շանթ»  
կեղրոնին մէջ, մասնակցութեամբ Հ.Մ.Լ.Մ.Ի Լա-  
թաքիոյ, Քեսապի, Դամասկոսի եւ Հալէպի մաս-  
նաճիլերու ներկայացուցիչ քոյր-եղբայրներուն:  
Ժողովին ներկայ էր նաեւ Շրջանային Սկապուտ.  
Խորհուրդը լման կազմով: Ժողովին այցելեց  
Շրջանային Վարչութեան ներկայացուցիչ եղբ.  
Արմէն Քէօշկէրեան:**

Ժողովը բացուեցաւ «Յառաջ նահատակ» քայ-  
լերգով: Շրջանային խմբապետ Եղբ. Լեւոն Խսկէնտէրեան  
կատարեց բացման խօսքը: Խսկ Շրջանային Խմբապետուհի  
Քոյր Քնար Ղազարեան ընթերցեց Շրջանային Սկապուտ. Խոր-  
հուրդի միամեայ գործունէութեան տեղեկագիրը: Ապա իւ-  
րաքանչիւր մասնաճիլի ներկայացուցիչ ընթերցեց իր մաս-  
նաճիլի միամեայ գործունէութեան տեղեկագիրը եւ վե-  
ցամսեայ ծրագիրը, որմէ ետք խօսուեցաւ կազմակերպչական  
ներքին հարցերու մասին: Դաստիարակչական եւ հրատա-  
րակչական բաժինները կը գրաւէին օրակարգի կարեւորա-  
գոյն եւ հիմնական բաժինները: Այս խմաստով խօսուեցաւ  
Շրջանային Սկապուտ. Խորհուրդի հրատարակած «Սկապուտի  
Զայն» եւ «Մոլլի» թերթերուն, ինչպէս նաեւ՝ գայլիկներու  
համար ընթացքի մէջ եղող «գիծ եւ գոյն» գրքոյկի հրատարա-  
կութեան մասին:

Սկապուտական գիտելիքները ամրապնդելու եւ զանոնք նո-  
րահաս սերունդին յաւ ձեւով մատուցելու համար աշխա-  
տանքներ պիտի տարուին՝ զանոնք վերամշակելու եւ աւելի  
մատչելի դարձնելու համար: Ծրագրուած է համացնցի վրայ  
կայքէջ մը պատրաստե՝ սկապուտական գիտելիքները եւ  
սկապուտները յուղող հարցերը հոն արծարծելու համար: Նաեւ  
խօսուեցաւ սկապուտական գրադարանի մը ստեղծման մասին,  
ուրկէ կարենան օգտուիլ աստիճանաւոր քոյրերն ու եղբայր-  
ները:

Թելագրուեցաւ բոլոր կարգերու համար օգտագործել թէ՝  
գայլիկական եւ թէ սկապուտական գիրքերը, իւրաքանչւրը իր  
կարգին համապատասխան: Վերջերս հրատարակուած ըս-  
կապուտական կանչերու գրքոյկի կողքին կը մտածուի հրատա-



րակել սկապուտական երգարան մը:

Աստիճաններու եւ կարգերու կապակցաբար որոշուեցաւ  
թեկնածու քոյր-եղբայրները իրենց երդումէն կամ խոստու-  
մէն ետք օժտուին սկապուտական կարգերով ու աստիճաննե-  
րով, ապա այդ կարգերուն եւ աստիճաններուն համապա-  
տասխան պէճներ կրեն:

Քարոզչական ծիրէն ներս որոշուեցաւ շարունակել զարկ  
տալ հրապարակային ձեռնարկներու, անոնց կողքին հրատա-  
րակելով սկապուտական թերթիկներ, պրակներ, որմազդներ  
եւ այլն:

Տեղական սկապուտական ֆետերասիոնի կապակցութեամբ  
որոշուեցաւ զարկ տալ եւ քաջալեր հանդիսանալ սկապուտա-  
կան տեղական խորհուրդներուն՝ իրենց անմիջական մաս-  
նակցութիւնը բերելու Սուրիոյ պետական սկապուտական ֆե-  
տերասիոնի կազմակերպած ըոլոր ձեռնարկներուն:

Ժողովի աւարտին խօսք առաջ Սուրիոյ Շրջանային  
Սկապուտ. Խորհուրդի ատենապետ Եղբ. Մանուկ Քէօշկէրեան:  
Ան նախ չնորհաւորեց մասնակիցները սկապուտութեան հիմ-  
նադրութեան 100ամեակին եւ Հ.Մ.Լ.Մ.Ի 89րդ տարեդարձին  
առիթներով: Ապա, գնահատելով ներկաները իրենց անսա-  
կարկ նուիրումին համար, ան բոլորին թելաղեց ըլլալ տի-  
պար, վստահուած գործը եւ պարտականութիւնը իրագործել  
անվերապահ կերպով, յանուն մեր ապագայ սերունդի առողջ  
դաստիարակութեան:

Ժողովը փակուեցաւ «Ով հայ արի» քայլերգով:



# ԱՄՄԱՆԻ ՍԿԱՈՒՏՆԵՐՈՒ ՏԱՐԵԿԱՆ ԵՐԴՄԱՆ ԱՐԱՐՈՂՈՒԹԻՒՆԸ

## Ալին Պէննէեան Ասսան

Վ.Ը.Ը.Ը. Ամմանի սկաուտական կազմը անցնող տարեշրջանի իր գործունէութիւնը փակեց մասնաճիւղի տարեկան երդման արարողութեամբ:

Հանդիսութեան ներկայ էին Հ.Ը.Ը.Ը. եւ ՀՕՄԻ վարչութիւնները, Հ.Ը.Ը.Ը. նախկին ատենապետները եւ խմբապետները, ծնողներ եւ միութեան անդամներն ու համակիրները:

Տարեկան երդման արարողութիւնը առիթ էր վերյիշելու տարուան մը աշխատանքը եւ կակուղ թաթիկ, գայլիկ-արծվիկներէն մինչեւ կազմի խմբապետները գնահատելով՝ անցնելու յաջորդ տարեշրջանի աշխատանքին:

Շեփորախումբի եղանակներով, օրուան հանդիսութիւնը սկսաւ մասնաճիւղի 82 հոգինոց սկաուտական կազմին տո-

ղանցքով: Ապա, սկաուտներուն կողմէ խօսքեր արտասանեցին քոյր Օրելի-Արաքս Անտոնեան (Հայերէն) եւ քոյր Ռանիա Խանոյիեան (արաբերէն): Անոնք իրենց խօսքերուն մէջ անդրադարձան Հ.Ը.Ը.Ը. սկաուտութեան դերին եւ սերունդէ սերունդ յարատեւութեան եւ ծառայութեան երեւոյթին:

Օրուան հանդիսավար եղը. Ճորճ Ընդապապեան կազմին կրտսերագոյն անդամները հրաւիրեց տալու Հ.Ը.Ը.Ը. ականի իրենց առաջին խոսառումը, առաջնորդութեամբ գայլիկական բաժնի խմբապետ եղը. Բաֆֆի Զաքմաքեանի:

Վարչութեան ներկայացուցիչ եղը. Նշան Միմեան խմբապետութեան կողմէ պատրաստուած յատուկ նուէրներով գնահատեց բոլոր պատասխանատունները՝ իրենց յարատեւաշխատանքին եւ զոհաբերութեան համար:

Մասնաճիւղի խմբապետուհի քոյր Ալին Պէննէեան իր խօսքին մէջ շեշտը դրաւ պատասխանատու կազմի նուէրնեալ աշխատանքին վրայ, որուն ամէնէն կարեւոր յատկանիշն է յարատեւութիւնը եւ շարունակական գործունէութիւնը՝ միութեան գաղափարաբանութիւնը, պարտականութեան ողին եւ գործը փոխանցելու համար նոր սերունդին: Ան անդրադարձաւ խմբապետներու ուսերուն դրուած ծանր պատասխանատրութեան՝ վեհ նկարագրի տէր անհատներ պատրաստելու գործին մէջ:

Օրուան հանդիսութիւնը ընդգրկեց նաեւ աստիճանատուչութիւն, ինչպէս նաեւ սկաուտական Ա. եւ Բ. կարգի պէճերու տուչութիւն: Վկայագիրներով գնահատուեցան լաւագոյն գայլիկ-սկաուտները, կազմի տիպար անդամները եւ լաւագոյն խմբակները:

Նոյն օրը, փոխ խմբապետ եղը. Մասիս Կիւլոյեանի եւ Առաջնորդ քոյր Լուսին Գուլաքարգեանի կողմէ մասնաճիւղին շեփորախումբի անդամները ստացան յատուկ պէճեր:

Ցաջորդեց տողանցքը, որմէ ետք սահմէներով ցուցադր-



ւեցաւ 2003-2007 տարեշրջաններու սկառտական գործունէութիւնը:

Արարողութիւնը չփակուած, կարդացուեցաւ նամակ մը՝ ստացուած մասնաճիւղի նախկին խմբապետ, այժմ Ֆրէզնօհաստատուած եղբ. Վիդէն Եփրեմեանէն: Եղբայրը 500 տոլար

կը նուիրէր կազմին գնահատելի աշխատանքին եւ մասնաճիւղի նախկին ատենապետ եղբ. էլի Պէնէեանի Հ.Մ.Լ.Մ.ի «Ծառայութեան» շքանշանով պարգևատրման առիթով:

Տպաւորիչ արարողութիւնը փակուեցաւ «Յառաջ նահատակ»ով:

## ԱՄՄԱՆԻ ՍԿԱՌՏՆԵՐԸ ԿԸ ԿԱՏԱՐԵՆ ԶՐԱՐԾԱՒ, Կ'ԱՅՑՑԵԼԵՆ ՄԱՆԿԱԿԱՆ ԹԱՆԳԱՐԱՆ ԵՒ ՅԱՏՈՒԿ ԽԱՂԱՎԱՅՐ

### Նաթալի Գուլաքսրգեան ԱՄՄԱՆ

 Ա.Լ.Մ.ի Ամմանի մասնաճիւղի սկառտական կազմը 2007-2008 տարեշրջանը սկսաւ մեծ թափով, տարեկան երդման արարողութեան եւ բանակումի կողքին կազմակերպելով յատուկ ձեռնարկներ՝ Ա. եւ Բ. կարգի սկառտաներու դայլիկական բաժանմունքին եւ պատասխանատու կազմին համար:

Սեպտեմբերէն նոյեմբեր ամիսներուն, խմբապետական կազմը ծրագրեց շարք մը ձեռնարկներ՝ կազմի անդամներուն գիտելիքներ փոխանցելու, բնութեան մէջ գործնական աշխատանքներ ունենալու, 21րդ դարու նորութիւններուն հետքայլ պահելու եւ Յորդանանի տեսարժան վայրերուն ծանօթանալու համար:

Ձեռնարկներէն առաջինը՝ պտոյտ-ջրարշաւ մը դէպի Ռւատի Մուտքէպ գետ, Ամմանէն 1 ժամ հեռու, Մեռեալ Ծովու շրջանը, տեղի ունեցաւ Դեկտեմբերին: Պատասխանատու կազմին կողքին այս պտոյտ-ջրարշաւին մասնակցեցան Ա. եւ Բ. կարգի սկառտաներ: Արշաւը տեղի ունեցաւ ջուրի մէջ: 30 հոգի գետին 4 քլմ.ը լողալով կտրեցին՝ մասնագէտ մարդիչներու հսկողութեամբ:



Նոյն վայրը կ'օգտագործէ Յորդանանի բանակը փորձերու համար: Մասնակցողները պէտք ունէին ուշադրութեան եւ չարքաշութեան: Անոնք պարաներ օգտագործելով լողացին գետի հոսանքին դէմ եւ իրարու օգնեցին, որպէսզի բարձրանան ջրվէժ եւ ապա վերադառնան 4 ժամուան ընթացքին:

Բոլորը լաւ ժամանակ անցուցին... թաց եւ յոգնած վերջացուցին արշաւը, աւելի գժուար եւ երկար տեսողութեամբ նման արշաւ մը կրկնելու յոյսով:

Նոյեմբերին, սկառտական բաժանմունքը օր մը անցուց Յորդանանի ըմբշամարտի կեղրոնը, ուր բաւական թիւով արի-արենոյշներ լաւ արդիւնքներ արձանագրեցին:

### ԳԱՅԼԻԿՆԵՐՈՒ ԶԵՐՆԱՐԿՆԵՐ

Վերջին քանի մը ամիսներուն գայլիկական բաժանմունքին գործունէութիւնը ընդգրկեց նոր եւ գրաւիչ ձեռնարկներ, ինչպէս՝ այցելութիւն Միջին Արեւելքի փոքրերու ամէնէն արդիական թանգարանը, որ բացուած է Յորդանանի Ռանիա թագուհիին կողմէ: Գայլիկ-արծութիկները նաեւ ունեցան իրենց յատուկ արշաւը՝ չարքաշութեան վարժեցման խաղավայրի մը մէջ: Նոյն օրը անոնք առիթը ունեցան ձի հեծնելու եւ խանդավառ տրամադրութիւններով իրենց սուները վերադառնելու:





# ՀԱՆԴԻՊՈՒՄ՝ ՀԱՅԿԱԿԱՆ ՑԵՂԱՍՊԱՆՈՒԹԵՆՔՆ ՎԵՐԱՊՐՁ 107 ՏԱՐԵԿԱՆ ԾԵՐՈՒՆԻՒՄ ՄԸ ՀԵՏ

## Աստղիկ Գարագաշեան ԱՄՄԱՆ

**Ա**շխատանքներու, ժողովներու եւ ձեռնարկներու կողմին, Հ.Մ.Լ.Մ.ի Ամմանի մասնաճիւղի աստիճանաւորները անցնող ամիսներուն լիշտապահելի հանդիպում մը ունեցան Հայկական Ցեղասպանութենէն վերապրած 107 տարեկան ծերունիի մը հետ:

Ծերունիին բնակարան այցելութիւնը եղաւ յուզիչ, տպաւորիչ եւ դաստիարակիչ: Միսաք Աւետիսեան Յորդանան կը բնակի 1948էն ի վեր, սակայն ան բնաւ շփում չէ ունեցած գաղութի անդամներուն կամ միութիւններուն հետ: Դժուար պայմաններու մէջ, ըստանիք ապրեցնելու հոգով տարւած, ան մօտ 40 տարի փողոցէ փողոց քալեմով եղած է Ամմանի առաջին կարկանդակ ծախողը:



Մասնածիւղին աստիճանաւոր պատասխանատուները Միսաք Աւետիսեանի բնակարանը այցելութեան ժամանակ:

Երիտասարդութեան, Ամման չփոխադրուած, Պաղեստինի մէջ արաք օրիորդի մը հետ պսակուելէ ետք, ան տարիներ հայերէն չէր խօսած: Երբ Հ.Մ.Լ.Մ.ի սկառաւները իր բնակարանը մտան, ծերունի Միսաք սկիզբը շատ շխուեցաւ, սակայն երբ հետաքրքրութեամբ հարցուցինք իր կեանքին պատմութիւնը, ան կամաց-կամաց, յուզումով եւ կրկին հայեր տեսնելու ուրախութեամբ, պատմեց իր լիշտապահները: Երգերէ ու կանչերէ ետք, Միսաք ինքն ալ երգելու սկսաւ, իր արաքախօս թունիկներուն ներկայութեամբ լսելով թէ որքա՞ն հպարտ է հայ ծնելուն համար: Հակառակ որ ան կը փորձէր Ցեղասպանութեան մասին շատ շխուիլ, սակայն կարողացանք Վանէն Պատրա (Իրաք) իր տարագրութեան մասին խօսիլ: Ցեղասպանութեան նախօրեակին, անոր հայրը գացած էր բանակ, այդեստաններով լեցուն Վանի Դատուան գիւղէն: Ան պատմեց մօրը հետ երկար ճամբորդութեան մասին, թէ ինչպէս կրտսեր եղբայրները ճամբան մահացան, մայրը հիւանդ ու տկար՝ անգիւացիներու Պատրայի հիւանդանոցին մէջ մահանակէ ետք, ան կ'անցնի Երուսալէմ եւ կը մնայ որբանոց, մինչև 1948ի պատերազմը եւ Ամման փոխադրուիլը:

Ծերունի Միսաք համոզուած էր, որ ողջ մնալը հրաշք էր: Ան ուզած էր կեանքը նուիրել Աստուծոյ եւ եկեղեցին: Ան

մեզի ցոյց տուաւ հայերէն կարգ մը գրութիւններ, ուր ան Սուլբ Գիրքը եւ իր սիրած հայերէն երգերը քանի մը անգամ ընդօրինակելով փորձած էր չմոռնալ հայերէն գրելը: Երուսաղէմի վանքին մէջ ան սորված էր խտալերէն, լատիներէն, Փրանսերէն եւ անգլերէն:

Ան նաեւ պատմեց, թէ երբ Ամման փոխադրուեցաւ ի՞նչ փոքր գիւղ մըն էր շրջանը եւ թէ ինչպէս արաքերէն խօսիլը եւ սորվիլը մեծ դժուարութիւն էին իրեն համար:

Հ.Մ.Լ.Մ.ի սկառաւները ծերունի Միսաքին այցելեցին երեք անգամ: Իւրաքանչիւր անգամուն կ'ուզէինք տարբեր սկառաւներ տանիլ այցելութեան: Սակայն, յոգնած ծերունիին առողջութիւնը երկար չըխմացաւ: Վերջին այցելութեան ան անկողին էր արդէն: Օրեր անցած էր եւ չէր ուտեր, աչքերը բացաւ միայն երբ հայերէն լսեց... ցաւի մէջ էր: 10 օր ետք տառապանքէն հանգստացաւ:

Թաղումին զգացինք թէ Հայկական Ցեղասպանութեան վերջին վկաներէն մէկն ալ գնաց: Իր զաւակները եւ թոռները կազմակերպեցին արաքերէնով թաղման արարողութիւն, որմէ ետք Հ.Մ.Լ.Մ.ի սկառաւները զգացին թէ հայերէնով «Հայր Մեր» մը տեղին էր:

Բոլորս կարծես մեծ հայր մը, նոր բարեկամ մը, հայոց արդի պատմութեան վկայի մը ծանօթացած էինք եւ, սակայն, շատ շուտ կորսնցուցած:

# ՀԱՐԴԱԳՐՈՒԹԻՒՆ

Ծարունակուած՝ Բ. Կողբեն

## Գ. ՄԱՐԶԱԿԱՆ

Մարմնակրթանքը մարզախաղերով կիրարկելու ու ազգային ոգի թրծելու նպատակադրութենեն առաջնորդուած՝ եզրակացուեցաւ այս քառամեակի համա-Հ.Ս.Ը.Ը. ական մարզախաղերը իրականացնել նախընտրաբար Ազատ, Անկախ Արցախի Հանրապետութեան հողին վրայ:

Ծրջաններէն ներս ըստ հնարաւորութեան եւ կարելիութեան կիրարկել զանազան մարզախաղեր եւ արհեստավարժ կացութենեն վերջնականապէս դուրս գալու տրամաբանութեամբ ստեղծել դպրոցներ, ուր փոքր տարիքն մարզիկ-մարզիկուիներ պատրաստել ըստ իրենց կիրարկած մարզաձեւին:

Համահայկական խաղերուն մասնակցիլ աւելի մեծ թիւով, բոլոր մարզախաղերուն հաւասարապէս:

## Դ. «ՄԱՐՁԻԿ» ՊԱՇՏՈՆԱԹԵՐԹ

Միութեան գաղափարաբանութիւնը արտայայտող եւ Հայ ժողովուրդի ծգտումներուն մէկ փարոսը եղող «Մարզիկ» պաշտօնաթերթը տարածելու իրամայականէն թելադրուած՝ անխուսափելի համարուեցաւ «Մարզիկ»ին մատակարարել բարոյական եւ նիւթական աջակցութիւն:

Սփիւթիքի որոշ շրջաններուն համար խմբագրականները թարգմանել՝ օտար լեզուով հասկնալի դարձնելու համար բոլորին:

## Ե. ՔՕԱՄԵԱԿ

2008ին շրջաններէ ներս փառաշուր հանդիսութեամբ տօնակատարել Հայաստանի առաջին անկախութեան եւ Հ.Ս.Ը.Ը. ի հիմնադրութեան 90ամեակները, հանրութեան եւ օտարներուն աւելի ծանօթացնելով Հ.Ս.Ը.Ը. ազնի գաղափարախօսութիւնը եւ հայ ժողովուրդի անհերքելի պահանջասահիրութիւնը:

90ամեակի ծիրէն ներս, որոշուեցաւ նոյեմբեր 2008ին Հայաստանի մէջ կայացնել Հ.Ս.Ը.Ը. ի հիմնադրութեան 90ամեակին նուիրուած գիտաժողով մը, որուն իրենց մասնակցութիւնը պիտի բերեն գիտնականներ, խմբագիրներ եւ դասախոսներ, պետական մակարդակի իրաւիրեալներու կողքին: Նոյնպէս, որոշուեցաւ Հայաստանի մարզական լրագրութեան



Հ.Ս.Ը.Ը. Կեդրոնական Վարչութեան անդամները  
Հ.Ս.Ը.Ը.-Ֆրանսի վարչութեան հետ:

մէկ լսարանը վերանորոգել եւ կոչել «Շաւարչ Քրիստոն» լսարան, նաեւ աշխատանք տանիլ Հ.Ս.Ը.Ը. ի հիմնադրութեան 90ամեակը յատկանշող դրոշմաթուղթ մը ունենալու համար:

## Զ. ԿԱՅՑԵԼ

Արդի հաղորդակցութեան արագընթաց պայմաններէն օգտուելու համար, նպատակայարմար նկատւեցաւ նորագոյն միջոցներով օժտել միութեան համացանցի կայքեցին կարելիութիւնները, զարգացնելու համար միութենական կապերը:

## Է. ՅԱՆՉԱԽՈՒՄԲԵՐ

Ընդհանուր սկզբունքներէ մեկնած եւ ծրագրուած աշխատանքները լաւագոյնս իրագործելու եւ յաջողցնելու հեռանկարով, որոշուեցաւ գործել յանձնախումբերու դրութեամբ, որոնք իրենց մասնագիտութեամբ ու փորձառութեամբ, ծեռնարկներէն առաջ կեանքի կոչուելով, պիտի կարենան կազմակերպել ու վարել ծշդուած գործունեութիւնը:

Քառամեայ ծրագրի իրաքանչիւր ծեռնարկի յաջողութիւնը կը վստահուի Հ.Ս.Ը.Ը. ամբողջ ընտանիքին, որուն դափնեպսակն է իր յաւերժահնչիւն եւ յաւերժապանծ նշանաբանը՝ «Բարձրացի՛ր-բարձրացն՝»ը:



# Հ.Մ.Ը.Ս.Ի ԳԱՅԼԻԿՆԵՐՈՒ ԱՅՑԵԼՈՒԹԻՒՆԸ ԱԹԷՆՔԻ ՄԱՆԿԱԿՆ ԹԱՎԳԱՐԱՆ

**Հայկան Չարմաքեան  
Լոռի Պարագեան  
Աթէնք**

**25** Նոյեմբեր 2007ի առաւօտեան, Հ.Մ.Ը.Ս.Ի Աթէն-  
քի եւ Գորինիոյ սկաուտական մասնաճիւղերու  
գայլիկներն ու արծուիկները, 7-12 տարեկան,  
իրենց պատասխանատու խմբապետներուն հետ այցելեցին  
Աթէնքի Մանկական Թանգարան: 35 գայլիկ-արծուիկներ, 6  
փոխ խմբապետներու եւ խմբապետներու ընկերակցու-  
թեամբ, մեկնեցան Փլաքայի շրջանը, Քիստաթինէյոն փողոցին  
վրայ գտնուող Մանկական Թանգարանը: Երկու ժամուան  
այցելութեան ընթացքին գայլիկները երեք խումբի բաժնուե-  
լով շրջեցան եւ զբաղեցան թանգարանին մէջ ցուցադրուած  
իրերով:

Նշենք, թէ Մանկական Թանգարանը մեզի ծանօթ թանգա-  
րաններէն կը տարբերի այն իմաստով, որ փոքրերը հոն առի-

թը կ'ունենան տարբեր գիտելիք-  
ներ սորվելու, հետազօտելու, չօ-  
շափելու եւ ստեղծագործելու:  
Թանգարանը կը բաղկանայ զա-  
նազան սրահներէ, խրաքանչիւ-  
րը տարբեր նիւթի մը յատկաց-  
ւած ըլլալով, ինչպէս՝ «Մարդա-  
կազմութիւն», «Ծովու յատակի  
հարստութիւն», «Պղպջակներու  
սենեակ», «Վերնատուն», «ըՄո-  
ւերներու սենեակ» եւ «Խոհանոց»:  
Գայլիկները մեծապէս տպաւոր-  
ւեցան «Խոհանոց»էն, ուր խմո-  
րեղիներ պատրաստեցին, եփե-  
ցին ու համտեսեցին:

Այցելութենէն վերջ, բոլոր գայլիկները հաւաքաբար ճաշե-  
լէ ետք, վերադարձն Ֆիքսի «Արամ Մանուկեան» եւ Գորին-  
իոյ «Զաւարեան» ակումբները:



## Հ.Մ.Ը.Ս.Ի ԵՐԷՑ ՍԿԱՌՆԵՐՈՒ ԱՐՃԱ-ՔՆՆՈՒԹԻՒՆ

**Լոռի Պարագեան  
Աթէնք**

**Հ.Մ.Ը.Ս.Ի ՅՈՒՆԱՍՏԱՆԻ  
Շրջանային Սկաուտ-  
Խորհուրդի կազմակեր-  
պութեամբ, տարիէ մը ի  
վեր ձեռնարկուած է սե-  
մինարներու շարքի մը՝ Աթէնքի եւ Գո-  
րինիոյ երէցական փաղանգներուն հա-  
մար:**

Շաբաթ 10 եւ Կիրակի 11 Նոյեմբերին  
այս նպատակով կազմակերպուեցաւ  
արշաւ մը Այ Անտրէյի յունական արե-  
նուշական բանակավայրին մէջ: Արշա-  
ւին նպատակն էր կատարել քննութիւն  
մը, որուն ընթացքին երէցները պիտի  
ներկայացնէին իրենց սորված գիտելիք-  
ները նախորդ սեմինարներէն: Իսկ  
քննութեան նպատակն էր առիթ մը տալ  
երէցներուն եւ աստիճանաւորներուն,  
յետ քննութեան իրենց առաջին մակար-  
դակի օղակը ստանալու:

Երկօրեայ այս արշաւին, բացի երէց-  
ներէն, մասնակցեցան նաեւ փոխ խմբա-  
պետներ եւ խմբապետներ, Աթէնքի եւ  
Գորինիոյ սկաուտական մասնաճիւղե-  
րէն: Մասնակցողներուն ընդհանուր  
թիւն էր 20:

Հ.Մ.Ը.Ս.Ի.ական քոյրեր ու եղբայրնե-  
րը բաժնուեցան 4 տարբեր խումբերու  
եւ ներկայացուցին իրենց խմբապետնե-  
րէն պահանջուած յայտագիրը:

Երէցներն ու խմբապետները բանա-  
կավայր ժամանեցին Շաբաթ երեկոյեան

ժամը 8ին: Խրենց կը սպասէին Հ.Մ.Լ.Մ.ի Շրջանային Սկաուտ. Խորհուրդի անդամներ:

Օրուան յայտագիրը սկսաւ «Նախնական օգնութիւն» նիւթով: Խումբերը ներկայացուցին ֆիզիկական կոտրտուկներու, մարմնային վնասւածքներու, սրտի կաթւածներու, գթահոսքի, պաղառութեան եւ ուշաթափութեան դէպքեր, պարագաներ ու անոնց արագ եւ անմիջական դիմադրութեան ձեւեր:

Աւելի ուշ, յաջորդեց խարուկահանդէս՝ երգերով ու հաճելի մթնոլորտով: Գիշերը տեղի ունեցաւ պահակութիւն:

Յաջորդ օր, Կիրակի առաւատեան, նախաճաշէն ետք, 4 անջատ խումբերը պատրաստեցին արագ ճանապարհորդութեան, զանազան վայրերու մէջ թա-



փօրներ կազմելու մասնագիտական քարտէսագրութիւն: Ապա յաջորդեց գիտելիքներու հարցում-պատասխանի հաճելի խաղը:

Կէսօրուան ճաշին համար իւրաքանչիւր խումբ շաղեց ու պատրաստեց իր հայն ու բրինձը:

առօրեայ կեանքին մէջ:

Շաբաթ իրիկուան եւ Կիրակի օրւան արշաւին ճաշերը հոգացին Աթէնքի եւ Գոքինիոյ մասնաճիւղերու խորհուրդներու տիկինները:

Արշաւ-քննութիւնը իր աւարտին հասաւ աւանդական դրօշակի էջքով:



# Travel Ways - Egypt

## NILE CROCODILE CRUISES



*Incoming Tour Operator  
Hotel & Cruise Reservation  
Transportation  
Excursions*

Attia el Sawalhy St., Serag Center Tower#1  
from Makram Ebeid- Nasr City,Cairo,Egypt

Tel:02 2739400/500/600  
[www.travelways-egypt.com](http://www.travelways-egypt.com)  
[marketing@twaysegy.com](mailto:marketing@twaysegy.com)

S U S I A T U Y A U E L I U S

ՀԵՔԻԱԹ

# ԲԱՐԵԿԵՆԴԱՆԸ

**Ժ**ամանակին այր  
մը եւ կին մը  
կային: Այս այրն  
ու կինը զիրար  
չէին հաւներ:  
Իրարու «յիմար» կ'ըսէին եւ միշտ  
կը կոռուէին:

Օր մըն ալ մարդը քիլոներով  
իւղ եւ բրինձ կը գնէ, բեռնակիրի  
մը շալակը կու տայ եւ կը տանի  
տուն:

Կինը կը բարկանայ.

- «Յիմա՛ր ես» որ կ'ըսեմ, չես  
հաւատար. այսքան իւղ ու բրինձ  
ինչո՞ւ մէկ անգամէն առեր, բերեր ես, հօրդ հոգեճա՞շը  
պիտի ընես, թէ տղուդ հարսանիքը:

- Ի՞նչ հոգեճաշ, կի՞ն, ի՞նչ հարսանիք. ինչե՛ր կ'ըսես  
դուն: Տար, պահէ՛, Բարեկենդանին համար է:


Կինը կը հանդարտի, կը տանի կը պահէ իւղն ու բրինձը:

Ժամանակ կ'անցնի: Կինը կը սպասէ, կը սպասէ՝ Բա-  
րեկենդանը չի գար: Օր մըն ալ, տան սեմին նստած  
ատեն, կը տեսնէ մարդ մը, որ արագ-արագ կ'անցնի փո-  
ղոցէն: Զեռքը կը գնէ ճակատին ու կը կանչէ.

- Եղբա՛յր, եղբա՛յր, վայրկեան մը կեցի՛ր:

Երիտասարդը կը կենայ:

- Եղբա՛յր, բարեկենդանը դուն չե՞ս:



տար:

Երիտասարդը իւղն ու բրինձը կը շալկէ եւ կը մեկնի  
իրենց գիւղը:

Ամուսինը տուն կու գայ, կինը կ'ըսէ.

- Հա՛, Բարեկենդանը եկաւ, իր ապրանքը տուի իրեն՝  
գնաց:

- Ի՞նչ Բարեկենդան, ի՞նչ ապրանք:

- Իւղը, բրինձը: Մէյ մըն ալ տեսայ հեռուէն կու գայ,  
մեր տունը կը փնտուէր. կանչեցի, լաւ մը խայտառակե-  
ցի, բեռը կոնակը տուի եւ ղրկեցի:

- Վա՛յ քու տունդ քանդուի. «յիմար ես» որ կ'ըսեմ՝  
յիմար ես... Ո՞ր կողմը գնաց:

- Ա՛յն կողմը:

Մարդը ձի  
կը հեծնէ, կ'երթայ  
Բարեկենդանին  
ետեւէն:

Ճամբան Բարե-  
կենդանը ետ  
կը նայի, կը տեսնէ  
ձիաւոր մը կու  
գայ: Կ'անդրա-  
դառնայ, թէ այդ  
կնոջ ամուսինն է:




Զիաւորը կու գայ, կը հասնի  
Բարեկենդանին:

- Բարի օր, եղբա՛յր:
- Աստուծոյ բարի՛ն:
- Այս ճամբով մարդու մը անց-  
նիլը տեսա՞ր:
- Տեսա՛յ:
- Կոնակը ի՞նչ կար բեռցուած:
- Իւղ եւ բրինձ:
- Հա՛, իմ փնտուածս է: Ո՞րքան  
եղաւ:
- Բաւական ժամանակ անցաւ:
- Զիս որ քշեմ՝ կը հասնի՞մ:
- Ուրկէ՛ ուր: Դուն ձիով, ան  
հետիոտն:

Մինչեւ քու ձիդ չորս ոտքը փոխէ՝ մէ՛կ, երկո՛ւ,  
երե՛ք, չո՛րս, ան երկու ոտքով մէ՛կ-երկո՛ւ, արագ-արագ  
կ'երթայ, կը հեռանայ:

- Է՛, ի՞նչ ընեմ:



- Ի՞նչ ընես, եթէ կ'ուզես՝ ձիդ  
քովս ձգէ, դուն ալ անոր պէս քա-  
լելով գնա, թերեւս հասնիս:


- Հա՛, այդ լաւ ըսիր:

Կ'իջնէ վար, ձին կը ձգէ եւ  
հետիոտն ճամբայ կ'իյնայ: Երբ  
կը հեռանայ՝ Բարեկենդանին  
խղն ու բրինձը կը բեռցնէ ձիուն  
վրայ, ճամբան կը փոխէ ու կ'եր-  
թայ:

Մարդը կը քալէ, կը քալէ,  
կը տեսնէ չի հասնիր, ետ կը դառ-  
նայ: Կու գայ կը տեսնէ՝ ձին ալ  
չկայ: Կը վերադառնայ տուն: Նո-  
րէն կը սկսին կոռուիլ: Մարդը՝ իւղ ու բրինձին համար,  
կինը՝ ձիուն:

Մինչեւ այսօր ալ այր ու կինը կը շարունակեն կոռուիլ:  
Մարդը կնոջ կ'ըսէ՝ «յիմա՛ր», նոյնպէս կինը՝ մարդուն:  
Խոկ Բարեկենդանը կը լսէ ու կը ծիծաղի:

## ԸՆՉՈՒՂՏԸ



Ընծուղտը կը պատկանի  
ստնաւոր կենդանիներու  
շարքին: Ան կը նկատուի

ամէնէն հասակաւոր կենդանիներէն: Անոր հասակը կը հասնի 6 մետրի, իսկ կշիռը՝ 950-1300 քլկ.ի: Ան կ'ապրի մինչեւ 25 տարեկան:

Ընծուղտներուն տեսողութիւնը շատ սուր կ'ըլլայ: Անոնք թշնամին կը նկատեն հեռուէն:

Ընծուղտները ոտքի կը քնանան, որպէսզի թշնամին չկարողանայ զի-  
րենք բռնել:

Ընծուղտները խոտակեր են եւ շատ ջուր կը խմեն: Անոնք կրնան մէկ ան-  
գամէն 15 լիթր ջուր խմել եւ օրուան  
մը ընթացքին 60 քլկ. խոտ ուտել:

Ընծուղտները ընդհանրապէս կ'ապ-

րին հարաւային Ավրիկէ: Մենք զանոնք խումբերով կը տես-  
նենք:



## ՀԱՆԵԼՈՒԿ



Ո՞վ է, ի՞նչ է:  
Երկու ճամբորդ են,  
մէկ ոտքով կ'երթան:  
Ո՞չ դադար կ'առնեն,  
ո՞չ ալ կը քնանան:  
(Պատասխանը՝ յաջորդիլ: Նախորդ հա-  
նելուկին պատասխանն էր Այսօր):




### ՀՈՐԻԶՈՆԱԿԱՆ


- «Էն.Պի.Էյ»ի կազմերէն (երկու բառ):
- Ճեծ, քաջահաւ - Արական անուն:
- Անձնական դերանուն - իգական օտար անուն - կանացի կոչական բառ:
- Գագաթ - Ծանրութեան միաւոր:
- Դափնիկիր կամ համալսարանաւարտ - Խաղացած պաշտօն:
- Սեւ ծովու նաւահանգիստներէն - Շաղկապ - Փոքրացնող մասնիկ:
- Այբուբենէն - Հայկական աղօթագիրք:
- «Ֆորմիւլա 1»ի ամերիկացի մրցավարորդ:
- Գնչուներու սայլ - Կտիկ - Գրքոյկ:
- Ժխտական մասնիկ - Ասմազուն:
- Ամէնէն առաջ - Դրկից տառեր - Եղիպատահայ օրաթերթ:
- Արդարօրէն վայելել - Աքաղաղի կատար:
- Թեւճակ - Հայ անզուգական աշուղ:
- Որձ որսաշուն - Հոռոմէական դիցուհի:
- Հետք - Փակցնող նիւթ - Ցիշատակ':
- Տարուան եղանակներէն մէկուն վերաբերեալ - Ասիական երկիր:
- Կրկին - Ռամկօրէն՝ այո՛ - Նուաստ:
- Ուրիշ - Բանաստեղծ Զահրատի ստեղծած գլխաւոր կերպարը:
- Ցուցական ածական - Լաւիտ - Ցրանսացի նախկին թենիսմէն՝ Եանիք:
- Չելսիի մարզիկներէն - Ելեկտրականութեան միաւոր - Ժամանակի միաւոր:

### ՈՒՂՂԱՀԱՅԵԱՑ

- Ճատրակի աշխարհի 2007ի ախոյեանը:
- Ջքամուած մեղր - Վախկոտ - Կրկնուած բաղաձայններ - Շարունակ:
- Սոյլ, չիւն - Ականջ ծակող ոճով խօսիլ:
- Մեսրոպ Մաշտոցի թաղման վայրը - Ճիճեղ - Կրկնուած բաղաձայններ:
- Աստուածային - Հայ թագաւոր:
- Չայնանիշ - Ռուսերէն՝ այո՛ - Նախահայկական պետութիւն (հակ.) - Ցուցական ածական:
- Հիւնդուս - Փաստաբան, ջատագով - Դիմումնագիր:
- Հմտութիւն, ճարտարութիւն - Բուրի ձայն - Չայնանիշ:
- Փեսային քոյլը՝ հարսին նկատմամբ - Մուլ - Խտալաբնակ ցեղ:
- Ոգելից ըմպելի - Մեղմիչ խօսք - Խաղողի կուտ:
- Չեռքի մաս - Երկնասուր - Ճափոնական դասական թատրոն:
- Եւրոպական ընդյատակեայ զինեալ կազմակերպութիւն մը - Ցոյն աշխարհագէտ եւ պատմագիր - Մադիամի թագաւորներէն:
- Արտայայտումի կերպ (հակ.) - Ոչխար - Ռուս թենիսպումըն (մականունը եւ անունը):
- Ինքնաբոյս - Տարիք (հակ.) - Նախահօր կողակիցը - Սկունդ:
- Բուրդ - Զիաքուռակ - Որ - Ցանցառ:



ԹԻՒ 164 ԽՈՀՀԱՐԱՎՈՐԻ ԽՈՀՀԱՐԱՎՈՐԻ



# ՀԱՅԱՍՏԱՆԻ ԿՐԵԱԿՑԻ ԱԿՈՒՍՏԻԿԱԿԱՆ ՀԱՇԹԱՎԱՐԻ ՀԱՅԱՍՏԱՆ



22